




廣東通志

ル 5  
1508  
13



門 儿 名 6  
番 1508  
卷 13

門 儿 5  
番 1508  
卷 13

特

廣東通志卷之二十五

縣志十二

廣州府

人物三

霍韜字渭先南海人祖厚一父華世有隱德黃蕭養  
 稱亂鄉豪悉受僞官厚一獨拒之幾不免世稱義士  
 韜生而重瞳風格峻整年十九甫就小學即揭居處  
 恭三字于座前識者噐之正德癸酉舉鄉試第二甲  
 成會試擢第一廷試復擬首擢為權貴所忌抑置二

甲第一引例歸婚值江彬錢寧等橫恣遂隱西樵  
世宗登極授兵部主事大禮議起楊廷和跡漢宋故  
事力主繼嗣之說廷臣和之牢不可解韜斥其非著  
大禮議上尚書毛澄不納乃上疏曰帝王相繼惟繼  
其統不言繼嗣倘惟嗣是繼而拘拘于父子之稱則  
漢宣嘗後昭帝矣以侄孫而父祖叔可乎唐宣嘗後  
武宗矣以叔而反父侄可乎自今言之 孝宗未嘗  
無嗣也無嗣者 武宗耳 興獻所出惟 陛下一  
人倘徇廷臣之議是使 孝宗有兩嗣 武宗竟無

嗣 興獻有嗣而不得嗣也一舉三失拂經不祥故  
惟統是繼兄終弟及則不惟 孝宗之統不絕而  
武宗之統亦延矣先朝名臣王鏊楊一清胡世寧輩  
深服其議嘉靖元年上三劄一論聖學治道其要在  
居處恭精任相一論六部政務其要在稽冗濫思樽  
節一論中外積弊其要在正人心擴天理遏人欲侃  
侃萬言時以董賈比之癸未復謝病歸西樵開精舍  
著書講學將為終焉計九卿交薦五召不赴丁亥擢  
少詹事兼侍讀學士兩疏懇辭惟詳陳用人之法

上眷注彌切賜敬一箴洪範序及文獻通考于山中  
 部檄停諸司俸趣行不得已出山首薦王瓊魏校王  
 守仁等三十餘人轉詹事兼學士三辭不許始就職  
 尋上法祖十二事江西督學徐一鳴毀寺散僧鎮守  
 內官黎鑑誣其激變逮 詔獄韜力救獲免戊子進  
 禮部侍郎再辭不拜擢尚書兼學士五辭不拜錦衣  
 衛指揮聶能遷結巨璫崔文安作威福誣訐大臣韜  
 表其罪狀請誅之 上命法司逮訊杖之百減死謫  
 戍韜雖遜處散地每 朝廷有大議輒建論數千言

多見採用尚書胡世寧薦韜孤忠勁節近世罕儔宜  
 總憲臺繩愆糾謬仍兼前職論思啓沃則直臣在朝  
 上下無過舉矣 上優詔答之而不果用已丑春星  
 變風霾 上引咎責躬令公卿直言時事韜疏陳召  
 災變者六曰宗室失所曰邊軍困苦曰冗官擾民曰  
 賊吏害民曰酷吏肆虐曰內臣貪暴 上嘉納之命  
 主會試唐順之羅洪先輩皆所取士尋克脩大明會  
 典副總裁因疏言田土失額文武冗濫且請覈內官  
 員額屬之禮曹揚一清謂內官曰是殆將汰監局乎

內官人人自危遂中沮之庚寅郊祀議興給事夏言  
素善術士尋元節知上志在必更首倡分祀韶持  
論過激上震怒下獄會天霍晝晦武庫兵器動

上驚悟復其官天驟開霽俄以憂去偕弟廬墓西樵  
癸巳召爲吏部侍郎以進賢爲已任廣詢博訪多所  
鑒拔乙未莊肅皇后崩詔廷臣議謚希旨者以  
四字請韶曰帝后謚用十二字歷朝制也武宗謚  
號旣循舊典則莊肅豈宜有異上不悅却其議  
竟以六字謚之文之尚書汪鉉罷代秉銓衡痛董宿

弊選法一新砥節首公無敢干以私者權貴怨其厲  
已甫十月出爲南京禮部尚書至則申禮制正風俗  
毀淫祠興社學祠忠義清尼娼南都由之改觀侍郎  
崔銑嘆曰霍公可謂真宗伯矣己亥冊立東宮太宰  
許讚薦韜剛正不阿忠直有識宜長宮僚徵拜太子  
少保禮部尚書掌詹事府事三疏乞休不許是時九  
廟七陵工費靡極公卿臺諫結舌杜口乃與諭德鄒  
守益上聖功圖以諷上怒詰責尋察其中忠懷原之  
韜方比上途遇內官張禧憑勢作威所過騷擾按其

冒濫劾奏之輒先移文南法司及所在撫按捕治其黨時復有南巡之議有司乘機科歛遐邇洵洵上疏陳其狀因言 章聖太后南祔文武大臣索賂害民事遂寢既而權貴結術士以方支齋神之說進謀導上退休東宮監國冀爲奸利力諫止之前後疏九十上幾三十萬言直聲震天下庚子春滿二品考冬卒上嗟悼贈太子太保謚文敏遣行人游震德護喪歸賜祭葬輶爲人質直好古行誼高潔學崇莊敬不喜浮談平生肆力于居處恭即獻納亦以此爲第一義

尤好進賢以汲如不及康海李夢陽王九思輩坐累禁錮猶屢薦之嘗遊峽山聞虎爲害移文責山神雷震殺群虎峽江中有妖石爲舟楫患衆畏而祠焉過者必祭輶告于天燬之雷裂其石患遂絕其精神感格類此二品叙蔭舍子而官宗子與球積俸置產與從兄弟共之尤人所難云所著有詩經註解象山學辨程朱訓釋霍氏家訓涓厓集行于世學者稱涓厓先生弟任最知名長子與璞穎悟過人年十五註楚詞蚤卒與瑕與嬰與瑋並舉于鄉而與瑕登進士

與瑕字勉衷尚書謫次子年十九舉于鄉登嘉靖己未進士授慈谿知縣時邑罹倭禍遐邇蕭條爲之均賦釐弊民始復甦與瑕嫻於吏治政尚精明豪猾縮首與淳安知縣海瑞齊名浙中稱二廉吏會御史袁淳受權貴顧指皆爲所擠士民赴闕訴晉弗得歸棲西樵六年隆慶改元給事中張鹵輩交章論薦召補勤令俄遷南太僕寺丞轉兵部員外即時邊陲多故羽書旁午其贊畫居多尋出爲廣西按察僉事飭兵左江土酋黃金彪背逆督府方議進討與瑕剪其羽

翼縛致之一矢不加遺復撫八寨城新寧州會以憂去當事者攘功竟不獲轉一階御史唐鍊中讒見劾尚書譚綸重其才力持之起理澁江右踰年忤御史張簡復爲所訐當徙官嘆曰吾安能隨時俯仰視人眉睫乎輒拂衣歸優游泉石二十餘年卒所著有勉齋集慈谿新寧並建祠祀之

梁焯字日孚南海人正德甲戌進士過贛從王守仁學辨問居敬窮理悚然有悟拜主客主事己卯三月上議南巡與葉龍等十七人上疏諫止 上怒罰跪



五日大杖三十車駕遂行會佛朗機夷加必丹末等三十人入貢至南京江彬領四家兵馬從上游豫導引火者亞三謁上喜而留之比至京師入四夷館不行跪禮焯執問杖之又番人寫亦虎先與其甥米黑兒馬黑麻以貢獻事誣陷文武其肅大臣時彬與錢寧用事二夷人者或馳馬于市或享大官之饌干刑部或從乘輿餽珍膳于會同館或同僕臣卧起而大臣被誣者皆桎梏幽囚以是輕侮朝官焯每以法約束之二夷人相謂曰天顏可即主事乃顧

不可即耶彬聞之謂焯凌虐駕下人員將奏聞焯治後事以待命三月丙寅武宗晏駕是日皇太后懿旨誅彬已而火者亞三等就獄稱本華人爲外夷所役於是與寫亦虎先等皆伏誅有詔佛朗機不許入貢以嘗試其君也新政旌別淑慝焯嘗諫被杖陞俸一級初武陵舉人冀元亨與焯同師陽明陽明使元亨往寧藩察其逆狀比濠爲陽明所擒乃指元亨同謀下詔獄死焯捐俸爲備棺殮嘉靖初改司職方聞第計而病遂予告歸養卒焯性剛直遇事敢

爲朋友少有過必面責之霍文敏少許可獨重焯嘗  
曰吾於日孛外甚拂而中甚信蓋所謂莫逆也每經  
焯墓必祭之

倫以訓字彥式南海人文叙次子自幼穎悟絕人稍  
長通六經子史百家無不閱覽正德癸酉鄉試第六  
人時年十六尋丁父憂丁丑會試擢第一廷試第二  
授翰林院編脩予告畢婚侍母養七年癸未復出供  
職乙酉纂脩武宗實錄成晉脩撰賜白金文綺已  
丑壬辰預考會試克經筵講官甲午進右春坊右

諭德主試南畿所取多名士丙申出爲南京國子監  
祭酒毅然以斯道爲己任士習一時丕變迎母就養  
宦邸母一日忽思歸即䟽請奉母還粵人多其孝平  
生儉約雅淡不植私黨不苟取予家居未嘗干當塗  
以私熟於朝廷典章有問者條答無遺其發爲文  
詞意暢神適非人所能及壬辰會試文質一策究竟  
古今循環之迹而變通以道上大獎異後建崇質  
殿蓋取其意云所著詩文八十卷國朝彙憲二百  
卷庚子丁內艱服闋四年而卒年四十有八未究厥

廣雅通志 卷之三十一  
用士林惜之

鍾雲瑞字天慶東莞人溫粹執禮潛心書史終日不  
下几榻親喪與伯兄雲祥廬墓鄉黨稱孝正德丁丑  
第進士授南京大理評事折獄平恕調北寺副歷寺  
正會 世廟大禮諍之忤旨廷杖瘡甚得不死出爲  
江西按察僉事秉正執法伸理冤抑不避豪右尋轉  
叅議撫院初至惡其後謁有諂言雲瑞曰是豈待藩  
司禮耶竟不謝出撫院怒以飛語改調歸居西廬爲  
終焉之計三年部檄催赴選補雲南丁內艱服闋

湖廣提督泰和山時中貴部隸恣橫雲瑞繩以法中  
貴欲中傷之無從由是益重之歲時餽遺拒不受未  
幾遷副使遂謝病歸誅茅構室閉門危坐雖子弟未  
嘗見其惰容表正鄉間有陳太丘風時循寇連歲流  
劫雲瑞糾衆防禦寇知有備引去鄉人德之建祠以  
祀邑令楊寅秋顏其堂曰慕德又爲之記隆慶庚午  
祀鄉賢從子卿最著

劉士奇字邦正順德人正德丁丑進士授刑部主事  
錦衣千戶陶淳枉法殺人言官請逮治不聽士奇再

請覓法之遷員外議禮與諸臣伏闕哭諫杖幾死已  
遷郎中山陝兩藩與有司構訟士奇奉旨臨訊論如  
法出守梧州梧重鎮有閔之征軍饑委輸時有餘羨  
士奇不爲利民多竹舍延燒輒數十百家士奇患之  
表火道數家障以崇墉災乃止在郡七年超拜廣西  
叅政平七山寇擢江西按察使時當賓興柄文者欲  
私權貴數令人諷士奇不可有某甲者一家九人傳  
致強盜幽囚數歲士奇鞫而釋焉遷山東右布政以  
病乞骸骨歸家徒壁立杜門八年卒

黎貫字一卿從化人父元昌簡靜好禮嘗錄文史中  
語閔世教者以自警貫器局凝重吐音洪亮登正德  
丁卯鄉試授建平教諭性素澹薄諸生餽遺一無所  
受俗多溺女請于監司嚴禁之澆俗頗革文廟傾圮  
撤而新焉又捐俸葺名宦祠祀吳應龍輩十人爲之  
記黃巖施槃見而歎曰魏驥之流也丁丑登進士第  
選庶吉士作大禮慶成賦爲時所稱授陝西道御史  
首言京師火甲之弊奏可民賴以蘇奉命福建清伍  
閱帑時鎮守內臣同藩司乾沒帑金以萬計貫按劾

之令償前此命使未有也又疏請表孫燧許達等忠節褒錄先發宸濠逆狀鄭岳等三臣上從之嘉靖初流賊起山東奏設總制大臣以理軍事及請兩廣行鵬剿之法咸用其議卒賴成功正德末天下耗于冗食請稽考國初與正德中賦入上供之數權其輕重以爲定式又令戶部覈奏績官必糧完乃得遷徙著爲令時廷議欲以戚畹奉安陸陵祀貫謂非宜疏論之癸未出按江西首辯冤獄及罷浮橋之害遭父喪歸家居七年庚寅起視河南道事大學士張璠請去孔子王號稱以先師貫以爲非率全臺上疏忤旨下詔獄都御史汪鋈劾貫脅同官署名必欲寘之死賴上意稍解罷爲民杜門却掃以教子爲務不預外事科道撫按疏薦十有三巳酉八月卒于家年六十有七貫天性孝友與人甚謙謹而臨事毅然不可犯建邑以來士人登第者自貫始所著有臺中藁使閩藁西巡藁及文集六卷傳于世子民表舉于鄉歷官叅議自有傳民衷登嘉靖丙辰進士歷官吏部郎中以廉慎稱尋出叅政廣西有治勩歿于賊後祀名

宦孫邦琰亦登進士歷吏部郎中終江西叅政

三百六十五

張拱辰字仰德順德人善昭族子正德丁丑既舉進士塗遇驃騎將軍陸宣立馬譚宣重之期過倖臣朱寧所竟不往授戶部主事歷郎中監太倉尚書侯觀欲私槩人拱辰不少徇成化以來鹽法改折商種鹽輸銀戶部以次給引有數世候支者黠商潛賄計漕通于內閣中貴人祈四朝鹽引偕發拱辰獨抗言國家鹽法有故四朝偕發則成化弘治鹽壙不行鹽壙不行則利入微商人不懷失信商人虧折國賦非細事也拱辰一日去位惟諸公衆不能奪未幾陞福建

叅議罷歸尚書霍韜兩疏薦拱辰竟不用拱辰剛直喜急人之難見不善則叱之太史蕭與成病革人以其疾即故舊過弗視也躬爲調護病已乃去拱辰廉晚節益堅嘗自耘瓜或託從子以重貲邀其關說拱辰竟揮鋤不顧妻子不給霍韜割廢寺田周之御史陳聯芳以清白表其里

王漸達字用儀番禺人父傳爲泰州學正祿俸悉以濟貧比卒室如懸磬母謂漸達曰貧至此兒欲以讀

書佐食何異藝石田濟枵也漸達泣曰兒力不任農  
圃巧不任工商惟劬學足代耕耳乃苦志鑽研弱冠  
登正德丁丑進士授刑部主事未幾請告侍養以臺  
省薦起刑曹條陳四事言極剴切人皆危之而書留  
中不報再疏乞歸與銀臺叅議倫以諒相得甚懽爲  
物外之遊諸名勝無不足跡達登第三十年貧如故  
以諒歲周之尚書霍韜亦重其爲人嘗曰予平生莫  
逆交惟王用儀梁日孚耳漸達多著述有水記正學  
記四書通言學庸釋略讀經記春秋集傳嶺南耆彥

傳王氏宗禮青蘿集行于世隆慶初卹建言諸臣贈  
漸達光祿少卿子原相登進士歷江西按察使

黃佐字才伯香山人艾畿以學行名佐幼穎悟一覽  
成誦弱冠舉正德庚午鄉試第一作九州問以見志  
潛心理奧至忘寢食庚辰登進士選庶吉士諸老奇  
其才謂張平子王文秀之流也授翰林編脩時嘉靖  
初上政要疏及脩新政疏尚書林俊躋之會冊封渭  
南王充副使事竣乞歸覲抵家遂請告戊子出爲江  
西按察僉事上疏乞養親改補廣西僉事提督學校

至則脩書院育人材正士習毀淫祠行射禮舉節孝  
立鄉社即徭童子第皆教之風化大行聞報毋疾即  
日棄官去督府以佐初謁傲憾之遂劾其擅離職守  
坐免既歸卜築粵洲草堂文學士多從之遊戊戌冬  
上命少師夏言選官僚有以賄進者御史洪垣輩劾  
之乃以屬吏部尚書許讚讚遂疏薦海內名士十人  
充之尚書霍韜爲首而佐與焉起除中允嘗作六經  
政要箴欲上之見忌于少師言乃止充講官遇事規  
諷轉侍讀掌南院事便道歸省奉母以行轉諭德兼  
脩撰出爲南京國子祭酒頒五倫條約禁止超撥之  
法學士張治見所作樂典嘆曰簫韶九成可復聞也  
尋以母憂去起擢少詹事兼侍讀學士既至談及河  
套事夏言不悅會吏部右侍郎缺以佐及王用賓推  
補先是崔桐與許成名爭補是職言官劾之遂併論  
佐覲覲勒致仕歸從遊者益衆日錄所聞名曰庸言  
晚歲謝病少通賓客惟事著述嘗作鄉禮寓保甲之  
法卒年七十七佐問學該博與廖道南齊名所著禮  
樂典翰林志廣東志廣西志南雍志革除遺事泰泉



集詩經通解隆慶初贈禮部侍郎謚文裕

梁廷振字伯綱南海人眉宇秀竦天資穎異正德丁卯領鄉薦庚午築海雲精舍于瀾石究心古學登嘉靖癸未進士連丁內外艱號慟屢絕年四十二髮已斑白服闋授兵部職方主事尋進郎中會安南弗懋廷議主討廷振力止之中外賴安戊戌出爲廣西副使同叅政翁萬達監督諸軍進剿斷藤峽號令嚴肅民不知兵捷聞賜之金幣復平府江諸徭士民頌德遷福建右叅政督理糧儲公餘講學閩士嚮風進按

察使憲度貞肅比入覲不持一物人服其節操會遷浙江右布政使尋轉左遇旱禱雨輒應特大工木商應給銀十八萬兩衆商欲以萬致謝廷振斥絕之其廉介類此未幾卒于任百姓嗟悼同里有梁方者亦以進士歷雲南布政使清介絕倫歷仕三十年所業僅鋤口獨其秉憲時專尚威嚴刑法過峻輿論以此少之今廷振子孫獨蕃盛云

李義壯字稚大番禺人嘉靖癸未進士初令仁和其政在鋤治豪彊矜卹寡獨三年遷戶部主事司臨清

鈔閱以進羨餘七萬受旌改禮部儀制義壯工古文  
詞其時諸郎如田汝成王慎中屠應峻悉負儁名而  
獨嚴事義壯以爲益友歷員外郎出爲廣西督學僉  
事轉湖廣副使備兵辰沅先是苗人不靖都御史萬  
鏜以爲憂義壯至督兵直走盧溪急攻其爲梗者以  
次殲焉諸砦遂望風降附境內以平詔賜白金文綺  
加俸一級歷四川叅政福建按察使革冗弊清吏蠹  
杜請託縉紳大夫莫敢干以私者轉右布政擢僉都  
御史巡撫貴州時方征苗所規畫多與總制張岳相  
左遂乞休既歸有司造請多不報日檢閱百家之書  
爲文弘博浩瀚有則詩亦壯麗無卑瑣之態性剛方  
於人過必嫚罵不能容於砥礪名節者則願與交懼  
不少忤以故士論歸焉著述最富多散佚所存三洲  
初稿十五卷行于世子成性領鄉試第一蚤卒  
何繼之字克肖順德人祖璋以鄉薦爲橫州知州有  
惠政舉祀名宦後補沔陽州例貢弓矢劉瑾索賂不  
遂逮詔獄州民千餘詣闕保留詔令復任未幾乞休  
繼之登嘉靖丙戌進士知攸縣懲豪民張金逋負由

是知名晉戶部主事歷松江知府却糧長常例累擢河南叅政互糴小難以漕中都原額既足羨銀八萬七千餘兩同事欲私之不從遷福建按察使未赴隨遷河南右布政使抵家卒繼之謙和清慎積而能散見稱於時

岑萬字體一順德人嘉靖丙戌以進士授戶部主事歷福建左布政使萬壽節御史曾佩拜于上萬引却之曰拜下之禮按臣何獨不然御史嚙之論謫廣西叅政遷按察使靖江王不得於毋作慈毋不慈記讌

潘臬命伶人歌焉萬遽起曰此非臣等所忍聞也以子讎毋於法不孝一旦上聞以此督過於王奈何王竦然立命焚其書毋子遂歡好如初遷河南右布政前御史仍不解嗾言萬老勒致仕年甫踰艾云年七十三卒祀蜀名宦子用賓

用賓字允穆萬長子嘉靖己未登進士授衢州推官補池州景王歸葬官校以供張不給多凌虐有司二千石而下不免守屬用賓能獨稱辦而民亦不擾擢南京戶科給事中喜論奏章凡數十上勸經筵崇正

學擇師儒舉遺逸戒織造尤其大者大學士高拱負才剛狠狃中而忌隆慶初爲給事中魏時亮所劾而御史齊康希拱旨劾大學士徐階上皆不問用賓乃奏言兩人日侍左右心孰邪正行孰臧否量孰廣狹豈能逃遁聖鑒高拱剛愎自用苛刻立威決非端人小則殃民大則誤國乞令致仕以杜厲階不聽拱深銜之以此出爲紹興守紹興人聞用賓來計必武健自用及至乃更爲寬和立教條木鐸以徇務在德化於是紹興人大喜有故人欲饋用賓畏其廉託以茗進用賓面<sub>而</sub>飲之得金大怒絕焉既入計謫陝宜川丞猶以前憾<sub>以</sub>以至逾月卒自嚴嵩當國沈楊輩以直言賈禍人皆結舌及用賓在職言路復振終亦不免貶死海內惜之有小谷集行於世

崔廷奎字國信番禺人性孝友有才識登嘉靖丙戌進士授行人奉命勞西陲將士擢監察御史疏通河道便利漕運居民祠之尋遷廣右僉憲征撫猺蠻谿峒向化詔加副使俸服再任卒泣官二十載囊無餘蓄有集十卷行于世

鍾卿字懋敬東莞人幼倜儻有志畧年十七上書季父雲瑞勗以名節雲瑞竒其志既而補邑諸生督學歐陽鐸以鄉輔期之舉嘉靖戊子鄉試連登進士授知許州實心實政摘伏如神擢南兵部員外轉郎中丁外艱起補戶部坐祈穀南郊至後期謫郴州同知察獄賑饑多所全活量移判萊州郴人立石頌德入爲南都水郎中擢知九江府以郡當孔道供億浩繁弛其不急者以甦民困脩陂塘泉堰幾以千計又禁絕權關注籍之弊繕岳武穆廟其革蠹維風類此擢

廣西副使踰年晉叅政轉按察使時宗藩經榻等觸法力請正罪諸宗肅然晉廣西右布政已未晉福建左布政使䟽乞骸骨歸克養完潔內嚴外溫居鄉杜門不謁公府而常番心世務辛酉倭夷山寇交訐誓衆固守賊不敢犯其守已之介老而彌篤督府李遷署其堂曰清白卿雖位至方岳而事季父雲瑞最恭謹每夜宴歸必出門扶輿而入士林多之隆慶改元以耆舊起䟽謝病詔以光祿寺卿致仕蟬蛻榮名儼然不染卒年七十七

戴銑字子聲東莞人嘉靖己丑進士觀政吏部上時政䟽千餘言授禮部主事督會同館峻抑厥校至佛中貴曹長諷令少徇持之益力尋改監察御史朞月間言天下大計至十餘䟽多人所難言者論劾尚書聶賢劉龍等六人不職吏部尚書汪鋮槩爲之護欲加銑罪 上優容之後言官論鋮黨護奸邪中傷言官當路謂出銑謀坐免家居淡薄自甘足跡不至公門廷臣交章論薦未幾卒年四十六用不究才士論惜之有集藏于家子記亦登進士官楚雄知府

何維栢字喬仲南海人少爲三水諸生見同舍生臨祭而譖輒引避以爲辱已衆皆愧服由是嚴憚之嘗慕西樵泉石之勝負笈讀書其中時湛文簡霍文敏亦山棲與語多所默契嘉靖初預計偕試禮闈不第復讀書西樵三年成進士選庶吉士尋授御史䟽止沙河功德二役省費百萬再䟽罷征安南師極論毛尚書伯温奪情非禮 上多嘉納未幾謝病歸西樵常與劉模王漸逵陳激衷往來論學北上訪羅欽順以証陳新會之學復補御史出按八閩值歲大侵福

興漳泉四郡爲甚下車輒發倉廩多方賑恤所存活者數十萬因條爲救荒十策著爲令是時少師嚴嵩顛柄維栢䟽論嵩罪至比之李林甫盧杞上震怒詔逮之所過士庶遮道以萬計緹騎持之急諸生大哭維栢拱手謝曰此予慮定而後發人臣之義自當如是生何哭爲民間矢爲歌謠數十百章有誠徵錄以傳逮至杖瀕死下獄法司承嵩風旨逼供諸科臣同黨詰掠不變免歸屏居僧舍聚徒論學隆慶改元復原官超爲大理少卿俄遷左副都御史協理臺務

徐少師階楊少傅博甚重之大政多所取決尋以憂去萬曆初徵拜前職無何轉吏部侍郎前後請脩聖德勤聖學飾群工諸䟽多剴切會少師張居正遭喪奪情衆議保番尚書張翰私叩之對曰綱常何可紊語泄見忌出爲南禮部尚書次潞河遂乞骸骨歸角巾野服恣遊名山闢天山書院發明陳新會宗旨薦紳之士即皓首猶北面就弟子列尚書葉夢熊僉憲陳吾德輩多出其門並以勲節著聲海內云卒年七十七謚端恪所著有易學義禮經辨太極圖解天山

存稿及編陳子言行錄傳于世子崇亨以廕歷南京都督府經歷

陳志敬字一之東莞人嘉靖元年以鄉薦授南寧通判土酋盧蘇之亂督府檄守武緣眾懼欲奔志敬力止之晉同知新建伯王守仁征八寨命提兵往斬首八十級提督侍郎林富繼征忠江二州志敬率眾擣巢穴逆酋就擒尋乞休致孫履登隆慶辛未進士歷廣西兵備副使有能聲

郭大治字思道番禺人幼警敏動循矩矱少時父正為仇家所齟齬構入請室大治號訴法司多其孝為直誣嘉靖辛卯舉于鄉再試春官不第以親老釋褐為萍鄉教諭邑士故椎魯鮮學乃嚴為程督恤貧警寐士風丕變督府張岳獎異之標為江右學式時嚴嵩專柄宦轍至者無不起居其家大治絕不通刺且繩其子弟之豪橫者嵩心銜之以故七年不徙官尋以憂去徒步扶喪歸服闋從湛若水遊大見稱賞起補虞城尋新城令務以古道教民每勸農桑節省騶從人不知其為令也鄰邑權貴減民木直民訴之輒



械其家僮上官受權貴頤指切責之遂拂衣去卒祀  
廣州鄉賢萍鄉名宦祠後贈湖廣叅政

劉模字叔憲南海人嘉靖辛卯舉于鄉乙未授蘭谿  
教諭典文陝西得大學士馬自強擢置第一時稱其  
藻鑑遷知貴縣祛積弊弭山寇以能名丁母憂歸起  
補四川梓潼革繁費以蘇里甲製灌車以興民利其  
辨冤獄而祠忠節尤表表者吏畏而民懷之尋致政  
歸父老哭留不得肖像立祠復列祀名宦既歸家居  
其貧茹淡與龐嵩何維栢輩爲詩易會所著有格致

說學庸疑天德太極解多獨得之見

陳激衷字元誠南海人行不疾趨容無遽色少爲諸  
生釋奠掌佾歌鹿鳴諸詩聲若出金石聞者樂之嘗  
與方獻夫講學獻夫著學庸二原激衷以爲擴前聖  
所未發因勸有司梓之後激衷中壬午鄉試教諭邵  
武之泰寧與諸生朔望習禮束脩餽遺皆不受晉國  
子監助教棄官歸益貧窘獻夫時延之談論鼓琴雅  
歌及卒與獻夫偕祀鄉賢祠  
林烈字孔承東莞人父汝椿篤于行有長者風烈幼

聰明通左傳漢書嘉靖甲午舉于鄉嘗師事魏恭簡  
潛心理學所養日邃四上春官不第釋褐江陰教諭  
擢南大理寺司務九載遷戶部員外轉郎中以勤慎  
著聲庚申督賦江右綜理惟嚴以外艱去服除復補  
戶部出爲福建鹽運同知革常例祛積蠹嚴闡出商  
至如歸齏政大舉於是毀淫祠興社學勅書院日與  
諸生講習其中又聯什伍恤孤貧置義阡立鄉厲壇  
脩養濟院民始患盜已復患虎悉力驅除之偶夢歸  
章綬心異焉適 世宗遺詔至遂卒百姓巷哭商罷

市立祠水口尸祀之烈學務躬脩一介不輕取與歷  
官二十年儒素如昨子培坦城俱鄉薦培最知名  
培字培之剛毅慷慨孝友尤篤壬辰授湖廣新化令  
下車值饑賑恤有方全活甚衆脩水利建社學山谿  
有絃誦聲饒貴親屬五人死于盜而盜不可踪跡乃  
禱于神從蛟蝶所至得之人驚爲神召爲南臺御史  
所建議累數千言慷慨激切直聲大著後上別忠邪  
疏忤旨左遷福建鹽運司知事兩臺檄搜名賢遺跡  
所至新其祠墓足跡幾遍八閩尋奉檄便道歸省盤

桓膝下戀戀不忍去其友愛諸弟終身同居爨一錢  
尺帛無所私家居一載卒人咸惜其未究于用云  
何彥字善克順德人登嘉靖乙未進士授行人擢南  
京戶科給事中正德間劉瑾擅權鎮守中官益橫暴  
世宗登極用大學士張璁言罷之民懽然若更生至  
是武定侯郭勛請復置勛怙寵作威福人莫敢犯彥  
乃疏鎮守之害非祖宗法事得寢彥彈劾任職不避  
權貴嘗論吏部尚書許讚徇情骫法禮部尚書嚴嵩  
宣淫納賂直聲籍籍出守荊州遼王縱恣數害二千

石諸王歲祿不供率升堂譟譟彥在郡無譁者荆黨  
岷江下流分數道以殺其勢權貴欲湮其一爲利彥  
獨持不可曰若然民其魚矣彥雖和至大利害未嘗  
風靡人以爲難擢憲副治荆岳徙貴州遷甘肅行太  
僕卿遂不出彥長者於物無忤居里中恂恂如也當  
道以其醇德年又最高益重之九十卒子兆湖以鄉  
薦歷國子監學正

陳紹儒字師孔南海人生而異光滿室五歲讀孝經  
知愛親敬長應嘉靖辛卯貢卒業太學祭酒湛若水

呂楠咸器重之丁酉與從兄紹文同領本省鄉書戊戌連登進士第觀政後給假歸省適母病晝夜扶持不少懈毋假寐見有朱衣神人護之病遂愈還朝授戶部雲南司主事晉員外郎詰內監混竊之奸革倉庫積年之弊議設陪庫主事一人經歷大使各一人以防闕出遂著爲令一年羨餘至盈五萬轉山東司郎中奉命總理遼東糧儲兼理屯種三年章凡數上皆防守大計時承平日久忽報虜寇至紹儒登陴協守寇不得逞而去遂益習騎射射必破的諸將驚

謂神授調山西司再調雲南進會計錄 上優詔從

之省京邊冗費二十餘萬遷湖廣按察司副使撫治鄖陽秋襄樊水溢城不沒者三版乃議築老龍諸堤以捍之水不能爲災又捐俸濟饑存活萬餘人襄民樹碑峴山以紀其事適以權貴人指櫛文致其罪謫福建泉州府同知未赴轉江西南昌府知府越五月擢廣西按察司副使備兵右江督狼兵救援兩浙紀律嚴明所過秋毫無犯轉福建叅政丁內艱服闋補四川叅政尋轉按察使肅政明刑憲度惟戢平白蓮

教之亂馘其渠魁散其黨三千餘人晉廣西右布政  
丁外艱起補雲南左布政使未赴擢順天府尹時

穆皇登極百度惟貞紹儒釐革縣驛冒濫豪貴斂手  
甫六月尋轉太常寺卿 上耕籍召問禮儀悉據經

以對 上躋之出爲南京戶部右侍郎條陳遼東耳  
肅等十三鎮兵馬主客錢糧 上嘉納之轉左侍郎

提督京通臨徐等處倉塲議復漕運例限六䟽晉南  
京工部尚書有忌者媒孽之遂致仕去南歸杜門惟  
研究經典以誨子弟平生忠孝大節至老不懈其治

心窮理以瀟洛爲宗所著集二十卷行于世子弘采  
蔭歷鎮遠知府弘乘國子典籍諸孫多俊才

梁津字濟甫番禺人幼有至性事母區氏以孝聞三  
弟皆出庶母時在襁褓庶母素悍盡奪財產以私其  
子津畧不以介意撫之益厚甲午發解第一辛丑進  
士筮仕刑部主事迎母就養以學行政吏部持清操  
杜私謁朝著賢之時大瑞麥福最寵幸以同鄉求見  
津善辭之福亦服其素履不訝也循資當轉文選副  
郎同僚有越次鑽求者津卽讓之曰典選重務予寡

陋且多病兄才望宜補衆皆服其量卒于官年三十有五母哭之斷腸而絕聞者莫不盡傷太宰聞淵素重其賢尤痛惜之憫其貧率僚屬致賻遣官護二喪以歸

李鳳字鳴岡番禺人其先大庾人父賢始屬籍番禺兄鸞登嘉靖辛丑進士歷戶部郎中嘗以經教授成就甚衆鳳少從兄學終身執弟子禮丙午舉于鄉後十年登進士知蕭山縣鋤豪強禁溺女均賦役士民咸孚頌聲載道徙治劇餘姚甫下車茂著倭功入爲

大理評事治獄以不寃稱遷登州知府地瀕海饒於魚鹽歲羨數千金一切麾却之日理民事惟務節愛歷廣西布政使所至以清介自持不肯徇世權貴媒孽之竟以老罷歸官居二品所業產不足糊口訓家甚嚴兄子良柱亦登萬曆甲戌進士爲廣西叅議龐嵩字振卿南海人博通經籍嘉靖十三年舉于鄉復講業羅浮學者執經門下百餘人釋褐判應天遷治中築堤墾田民蒙其利值歲歉輒發粟賑境內所存活者數萬人尋徙刑曹卽時諸郎鮮習法令奸吏

得因緣爲市嵩諳練而介多所平反其執議卽權貴不假以故見忌于時嘗科比律例撰刑曹志爲編四曰原刑曰司刑曰祥刑曰明刑尚書陶尚德深器重之擢守曲靖故雜夷難治嵩曲加訓誨夷風漸變居二載以老罷而年纔五十蓋忌者中傷云歸從湛增城遊聞隨處體認天理之說嘆曰幾虛此生湛沒塲居三載力恤其孤由是聲譽益著學者翕然從之晚年築室西樵大科峰下常棲息焉卒年七十有七嵩秩二千石田僅數十畝食不兼味澹薄若寒儒世多其清苦所著有入極解圖書解湖唐遺言禮曲靖應天名宦祠子一夔一德並舉于鄉

梁以蘅字仲房新會縣人性孝友弱冠以超貢授賓州訓導嘉靖癸卯領廣西鄉薦轉廬陵教諭歷紹興府教授廉慎溫文其教人一粟之躬又賑貧理枉惟力是視擢連城知縣見里甲供具嘆曰柰何竭民脂乎悉革之聽訟常從寬減吏胥有犯毫不少貸辛亥歲造版籍里役有逃亡者以富室補之逃亡者復業壬子八覲行李惟琴劍圖書而已既覲遂上疏乞歸

居家教授一時當路咸高之

唐守勳字允懋番禺人少有志向家貧力學嘉靖辛卯舉于鄉督府以學行延之嶺表書院爲諸生師甲辰登進士知閩縣舊例歲收綱銀支給公費不贍則預徵民甚苦之守勳裁浮冗節出入積有餘羨適值荒歉民獲樂生以憂去起補貴溪邑無城郭寇至率民兵禦之擒渠魁而還撫按交薦遷南京戶部主事歷郎中己未擢興化知府卒守勳厚於倫理教四弟如嚴師怠則撻之皆向學有立在南都時聞業師湯

朝達之弟鬻其祖宅輒還券不索原直同年東莞令孫學古卒于客邸躬治其喪士論賢之有集藏于家第守明守文並領鄉薦守敬以詞翰聞

李价字少藩番禺人穎悟有志學務躬脩嘗從香山黃佐遊登嘉靖丁未進士知當塗縣俸外一無所取地當衝塗前令逢迎無虛日价嘆曰吾安忍散吾民以相媚乎專務節儉歲省民財數千己酉覈蝗災蠲民租十之四獄中大辟囚惟四人爲辨出其二有父告子不孝者反覆開諭下其子朴之父泣請焉遂提



携而出擢戶部主事里正馳至采石贈百金爲舟車費却之乃留靴而去壬子以才行改吏部稽勳司主事遷考功員外郎兩列上考會三殿災款上封事爲親知所沮亡何宿痞頹發乞休太宰李默止之晉稽勳郎中疾彌甚歸家踰年卒人咸惜之

龐尚鵬字少南南海人嘉靖癸丑進士授江西樂平知縣立社學置贍田建洪皓許瑗祠以表忠節政聲大著召爲監察御史命覈浙直軍餉發總制胡宗憲監軍鄢懋卿冒破之一奸語侵少師嚴嵩幾中竒禍賴

上明聖不問事竣復命猶執奏如前直聲動天下上防倭五事憂深慮遠士論題之出按河南獨持風裁強宗縮朒貪墨吏望風解印綬巡撫蔡汝楠獲白鹿于玉屋山欲會疏獻瑞尚鵬固執不可尋丁外艱服闋催赴河南道理考察事力爲善類保全時科臣胡應嘉刺太宰得罪尚鵬疏救甚力且劾輔臣郭朴尋按浙江以激濁揚清爲已任首發歸安豪宦縱橫之罪貪墨吏不寒而慄稱直御史又立均徭條鞭法以便民歲省費百萬疏請通行海內稱快隨在立祠廣

城建永賴祠以報功德曠徒倡亂亟促巡撫劉畿剿平之紀驗其功釋出幼小者千餘權輿載道又立孫忠烈祠脩岳武穆墓以示風勸改提督京畿學校首嚴條約立學規務先德行而兼文稅士習丕變會

莊皇帝踐祚條陳時政數萬言皆黼治訐謨擢大理寺丞讞獄持平時議興復九邊屯鹽晉右僉都御史行部次東昌疏劾內侍張恩馳驛殺人司禮爲恩營護得末減謫戍又劾御史孫以仁賊私狼藉罷之并劾給事中張齊陰壞邊餉言官憾傷其類思有以中

之尚鵬巡歷各邊足跡殆徧河套搗巢與總督尚書王崇古克戍厥功執政忌之竟不得叙又上會計錄言從古征歛煩多則民窮盜起天下遂大亂臣親視邊方生靈愁苦幾欲繪鄭俠之圖讀者咸壯其志次并州御史部永春以前憾劾之疏下吏部楊太宰博曰此能臣也特疏保畱少輔高拱不悅傳旨切責勒博致仕尚鵬落職九鄉科道會疏畱之不報未幾太宰博召用尚鵬亦以僉都御史起督福建軍務至則罷商稅減寺租蠲宿逋五十餘萬踰年擢左副都御

史協理院事時張居正奪情復相論者俱得罪尚鵬移書申救諸言者詞過直居正不懌亡何報最居正黨陳三謨以簿書年月小誤叅之回籍聽用亟抵家值母病劇得永訣時謂尚鵬雖去官寔天成其孝云居四年卒尚鵬生平忠介慷慨有經綸才其膽略足當大事定大變其立朝知有法紀而不顧一身利害其當官知恤民艱而不避一時讒疑海內縉紳寔倚重焉所著有百可亭稿十六卷奏議十卷其殷鑒錄行邊漫紀仲弟尚鴻書不以爲評斷疏進之尚鵬沒後

遺官諭祭未獲贈謚論者謂缺典云

李邦義字宜之連州人生而穎異貌甚魁梧與兄邦仁齊名而邦義登嘉靖丙辰進士知上虞縣有異政歷戶科都給事中條陳時務指摘奸權人多其直歷太常少卿尋改南謝病歸卒年五十七邦義有才而敏論天下事若走輕丸下峻坂耻爲姍姍態好面折人過以故爲世所忌居常感慨政令不便者輒白有司更之故人有遺思焉

鄭昊字祖欽順德人其先漢章得金蒲澗訪其主還

之者也少力學善屬文文溫醇如其人登嘉靖乙丑進士知江陰縣補海鹽里甲海塘前令籌策未竟吳卒就之民蒙其利遷南戶部主事歷工部郎中出守柳州會八砦之後久旱大饑百姓嗷嗷吳殫力晝夜八砦平賜金無何卒吳端慤清慎年踰五十始獲一第不以日暮爲自植計官六轉歷二千石歸囊無餘貲督府劉堯誨知其廉命所經郡邑祭賻之

林挺春字少和順德人少事親孝藩臬並旌其門挺春不喜標榜輒屏去嘗從湛若水遊以舉人教諭仙遊故有田租掌教多侵漁挺春散之諸生籩豆禮器

悉捐俸爲之遷知南靖南靖兵燹後官寺里屋一空蒿藿成林白骨滿野虎豹晝行挺春芟穢掩骼驅虎豹而遠之倚茅聽政已潦水至城郭蕩析乘桴露處乃遷于大帽山下邑焉漳經界不正自朱子已患其然今尤甚富者割倍賦之田無直以啗貧民民利而從之既富日積縣官受其病挺春悉問富者招流移撫凋瘵南靖大治久之遷霑益知州以親老不赴挺春醇謹自筮仕至老未嘗一介取於人罷官貧人以

是重之

梁典字惇伯順德人家故貧少傳經以供其親比舉于鄉二親已沒輒欲棄之去已謁選授上林學諭其課諸生如傳經時上林遂彬彬多文學士矣遷南雍博士尋出判南康署星子都昌建昌三縣而在建昌最久建昌學圯于河典浚河新之諸齋舍自此興建昌癘多逋負民卒流亡典緩之復業者相踵在南康三年清謹如一日伯兄嘗過其邸談及家人產典曰視傳經時已侈矣卒于官百姓哀之子思年博古工

詩翰喜談名理蚤卒今得其隸書者競珍之

劉格字豫誠從化人性至孝幼而父歿哀毀幾滅性弱冠舉庚子鄉薦壬戌謁選授六合令清慎勤敏百廢具舉徐國公家僮鎖禁良民格杖而戍之間中丞擒江盜數百䟽皆抵死密廉其枉者數十力爭之不少屈時稱強項令操江都御史欲腹削沿江官軍格不阿承遂調信豐會雩都令以丈田激變督府殷從儉三遣官弗能定格繼往片言解散執其首惡正法焉從儉䟽其能留雩都而信豐士民請還益力未幾

廣東通志 卷之二十三 三十五  
從儉去長沙李棠來代譖言先入徙荆府審理正後  
祀信豐名宦及鄉賢祠所著性說翊善論大倫圖多  
發古人所未發子克正克脩並舉于鄉而克正登進  
士克治選貢

陳絢字秉素東莞人應辰十三世孫自少敦篤矩矱  
自持性峭直不能容人過朋友或少踰禮惟恐絢知  
讀書道家山足不窺戶者數載邑中子弟相率師事  
焉隆慶庚午舉于鄉赴春試不第歸與其徒誦說不  
輟居惟緼袍布履僅足蔽體蓬室蕭然不少干有司

然喜論時事利病民有冤抑每挺然代白之倣范文  
正瞻族之舉倡義捐貲建祠置義田年四十卒家無  
餘貲邑令楊寅秋給地供其祀事同邑袁以芳者亦  
乙卯舉于鄉以古人自期動不踰禮與陳絢並重鄉  
評後應西粵脩志之聘卒于南寧人咸惜之

陳吾德字懋修新會外海里人嘉靖乙丑進士授行  
人隆慶己巳晉工科給事時 朝廷命市珠吾德爭  
之乃削籍今 上即位以臺薦起爲兵科給事中既  
至忽傳旨官中貴人鄭真傳侄錦衣吾德抗疏力爭

復論都御史劉燾不宜召用禮部主事宋儒與兵部主事熊敦朴交惡儒計劾敦朴補外吾德并劾罷儒遂忤首相張居正意成國公朱希忠薨行金錢求贈爲王上書爭之復忤居正遂出守饒州有惠政張憾未已因王府被竊坐謫馬邑典史御史張簡承風旨劾吾德講學又削籍張死起爲馬邑典史遷思恩府推官寶慶府同知皆以親老不就二親終徵爲紹興同知五月遷湖廣按察司僉事亡何卒于官吾德在諫垣多所建明條陳廣東八事明賞罰復兵防議舟

師禁闌出補但貸覈虛冒慎撫勦恤忠勞

上皆從

之其居鄉建倉預備連歲大侵民賴以活皆其力也又宿寇縱跡累年悉白當道捕治之鄉以此見德云

**宋**梁觀國字賓卿南海人也志行淳懿弗踰矩矱嘗再薦于鄉不第退而嘆曰聖賢垂教乃使人嘩于口吻誕于紙筆小而干澤大而迷國已乎乃取所作科舉文火之以自治身心爲工一言一動必求合古人病聖道不明由異端害之乃力排佛老窮其指歸曰

以談道爲樂尤疾儉邪而重忠義每朝廷謫正人至  
粵必求見焉紹興中漳浦高登忤秦檜謫容州觀國  
與之善登以觀國所著文達于待制胡寅寅評其文  
謂豪勁該辨不苟作因與觀國交商確人物古今皆  
出寅意表寅輒稱曰豈意嶺海間有奇士如梁觀國  
者乎後觀國卒寅志其墓且銘之曰卓哉梁生生在  
遐域無師可親採諸方策得匪朋來問而知與又曰  
大布之衣藜羹饌饒其中沛然孰爲卿相觀國有特  
操不爲世俗所移蘇軾父子以文名天下學者家傳  
人誦獨觀國不與也謂其雜禪學飾縱橫非有道者  
之言遊其門者稱爲歸正先生遺文有歸正集二十  
卷議蘇文五卷駁其羽翼異端者編喪禮五卷準用  
道釋者壺教十五卷付其女弟爲師訓閭巷童女以  
守禮法凡師事觀國者喪葬不用緇黃一時風俗大  
變其所爲書真德秀王應麟輩皆稱之  
簡克已南海人也少習舉業已而厭之嘆曰言行未  
寡尤悔遽投牒事干祿豈古人意哉遠遊湖湘師事  
南軒張栻者數年講性理之學以真知實踐爲功曾



中群疑渙如也。栻亦稱其精確有守，既得其傳，退歸杜門，不妄與人交。所知識詢之，則曰：「吾方治吾身心，藥未暇也，而敢驚外乎哉？」書南軒之言為座右銘曰：「人之性仁義禮智四德具焉，其愛之體則仁也，是乃天地生物之心，而其所由生者也。故仁為四德之長人，惟已私蔽之以失其性之理，是以為仁莫要乎克己。已私既克，愛之理無所蔽，則與天地萬物血脉貫通，而其用亦無不周矣。蓋顧名思義之意也。」

明陳獻章字公甫，新會人。生有異徵，幼甚慧弱，冠領

正統丁卯鄉薦第九人。兩上春官，過臨川，謁吳與弼。

道既通，比歸，名聲蔚起。時學士錢溥謫順德，見而心

知其聖為也，甚雅重之，勸之竟業成均，而邢讓為祭

酒，因揭揚龜山。此日不再得詩，令和焉。能饑謀藝稷

少年負奇氣，萬丈摩青蒼，夢寐見古人，慨然悲流光。吾道有宗主，千秋朱紫陽，說敬不離口，示我入德方。義利分兩途，析之極毫芒，聖學信匪難，要在用心臧。善端日培養，庶免物欲戕，道德乃膏腴，文辭固秕糠。俯仰天地間，此身何昂藏，詎能追逸駕，但能漱餘芳。持此木鑽柔，其如磐石剛，中夜攬衣起，沉吟獨彷徨。聖途萬里餘，髮短心苦長，及此歲未暮，驅車適康莊。行遠必自邇，有德貴含章，邇來十六載，滅跡聲利場。閉門事探討，說俗如驅羊，隱几一室內，兀兀同坐忘。知顛沛中此志，竟莫強譬如濟。

顧茲一身小所繫乃綱常樞紐在方寸操舍决存亡胡為漫役役斲喪良可傷願言各努力大海終回狂覽之驚曰傲敏絕倫青於藍矣闕下競傳之成化己丑南歸遂有終焉之志從學日益衆於是天下無不知有陳獻章也者其時江西左轄陳煒脩復白鹿書院因虛師席以請固謝不往壬寅廣東左轄彭韶朝薦之謂宜尋吳與弼故事有旨命所在有司親為勸駕竟以母老且病力辭都御史朱英禮之益謹以先生竟不出耶遂自題其薦末云臣英旦夕趣之就道因曰請為先生駕毋遲遲以重英誑君之罪也乃勉

起赴京吏部則用故事試之會疾上疏曰臣累染虛弱自汗諸疾又有老母朝夕侍養不能赴部聽選左布政使彭韶右都御史朱英前後具本薦臣堪克任便吏部移文趣令起程臣以舊疾未平母年加老未能輒行府縣官吏承行文書日久催迫不免強起就道而沿途病發隨地問醫扶衰補羸僅不大憊於成化十九年三月三十日朝見乃以久勞道路前疾復作日復一日病勢轉增耳鳴痰壅面黃頭暈視昔所染無慮數倍衆目所覩不敢自誣願臣毋以貧賤蚤

寡俯仰無聊殷憂成疾老而彌劇使臣遠客異郡  
母之憂臣日甚愈憂愈病愈病愈憂憂病相仍理  
長久臣又以病軀憂老母年未暮而氣則衰心欲爲  
而力不逮雖欲效分寸於旦夕豈復有所惜哉臣所  
以日似憂憊欲處而未能者又以此也夫內無攻心  
之疾則外不見從事之難上有至仁之君則下多曲  
成之士惟 陛下以大孝化天下以至誠體萬物海  
宇之內無匹夫匹婦不獲其所者則臣之微亦豈敢  
終有所避而不自盡哉伏望 聖明察臣初年願仕

之心憫念久病思親不能自己之念乞放臣暫歸田  
里日就醫藥奉侍老母以窮餘年俟母養獲終臣病  
痊可仍前赴部以聽試用則臣母子未死之年皆  
陛下所賜臣感恩益厚圖報益深雖死於道路無所  
復辭矣疏入明日授翰林檢討俾親終疾愈仍來供  
職蓋異數也既謝去家居則時時譚道自樂間發爲  
詠歌想見古人皆以暢其天性蓋脫屣聲利之場矣  
歲有薦辟俱緩詔不行弘治庚申卒年七十三獻章  
孝友樂易器度豁如也嘗憫絕學慨然以紹明聖道

爲 正其還自臨川閉 讀書湛思理義夜不就席  
 久之悟曰學不誦心則言爲典籍聖賢論著只在當  
 前下乃築春陽臺兀坐竟日者數年已復歎曰道無  
 動無靜二之則非是故其答張元禎書有味其言之  
 也夫學至無而動至近而神藏而後發明其幾矣形  
 而斯存道在我矣夫動已形者其未形則虛而已矣  
 虛其本也致虛所以立本也其訓學者以去耳目支  
 離之用全虛圓不測之神一時縉紳先生皆尊事之  
 奉爲宗盟所其辨論性還皆四方有名公卿及門之

士如遼東賀欽嘉魚李承箕番禺張詡增城湛若水  
 東莞林光皆紹江門之緒者其詩自名其家書法宗  
 晉唐晚喜爲茆筆書世競珍焉萬曆乙酉以臺臣詹  
 仕講王學會疏從祀孔廟

湛若水字元明增城人而穎悟弘治壬子以書魁  
 東省從陳獻章遊嘗屏居一室潜心理學超然遠到  
 江門釣臺自此屬矣遂欲偕隱比獻章卒衰服三年  
 甲子以母命復出過南昌 昌 錄論學亟見獎許赴  
 留都讀書辟雍祭酒章懋課以晬司益肯論奇之乙

丑試禮闈衡文者讀其卷有至近至神之語知其新會高第也置第二登進士選庶吉士授編脩時王守仁在吏部相與講明正學而脩撰呂柟輩皆往來辨論一時學者稱爲甘泉先生奉使冊封安南却餽金便道奉母留都大開講席有甘泉問辨等書正德丁亥宅母憂歸廬墓三年產異瓜九實相連人謂孝感所至服闋謝病復都講于西樵作心性圖詔之來學者每示以澄心見道嘉靖初召補原官尋遷南祭酒益肆力於道術尋晉禮部侍郎上天德王道及聖學

等疏大指謂天德王道根於慎與獨正與

聖諭敬一

相發明也嘗著獻納篇格物通以補大學衍義所未備錄進呈並嘉納之累遷南京禮吏兵三部尚書安南議興上治權論人偉其策會柄臣受莫酋賂寢不行進所註二禮疏亦爲忌者所沮兩滿二品考以老致政其設教以隨處體認天理爲宗旨曰此吾六字符也勿忘勿助其庶幾乎從遊者三千餘人呂柟蔣信其最著者所著心性書遵道錄樵語古小學四書測五經測楊簡折衷非老子及甘泉大全集皆以羽

翼聖經也晚居天關置講田以贍四方來學庚申卒年九十有五隆慶初贈太子少保諡文簡

張詡字廷實番禺人少負經濟力行好古厭薄章句莆田彭韶見其詩嘆曰嶺海孤鳳也成化甲辰登進士請告歸都御史屠滂俾有司促之仕赴闕授戶部主事尋丁艱遂隱居二十餘年高蹈清脩不屑時事御史累疏薦俱謝病不起甲戌會有旨用御史高公韶薦拜南京通政司叅議檄下趣上道具疏辭遂抱疾赴留都謁孝陵而歸抵家不越旬卒年六十

詡學務主靜淵源聖始獻章每喜其譚玄微有會與楚李承箕齊名

林光字緝熙東莞人而狀貌清臞資性粹美苦學不懈博綜經史年七十補邑庠生讀吳文正公論學諸書益大感悟建得趣亭日讀書持敬涵養其中成化乙酉領鄉薦己丑會試拜陳獻章于神樂觀語大合遂從歸江門曰吾得師矣獻章亦深期之已而築室欖山往來問學者二十年巡撫朱英勸之仕光報曰夫人幼而習之於小學必求所以事上長而進之

於大學必求所以治下善學者不汲汲於施爲成敗利鈍之外而汲汲於吾心權衡尺度之間寧學成而不用未有不成而苟用者也尋丁外艱服闋母孺人強之出甲辰會試中乙榜授平湖教諭以斯道爲已任以身爲教勉學者探本窮源反身脩行一時士習丕變上敦風化養廉耻疏言甚懇切蒙允行之巡撫彭公廉其賢待以賓師之禮丙午主考福建多得名士各贐禮皆謝却之弘治己酉主考湖廣是年總脩浙藩憲廟貫錄辛亥脩嘉興縣志壬子復同考順泰

試凡三校文時服其藻鑒部使者以卓異薦尋陞充州府學教授會丁內艱起復補浙之嚴州府學教授按察使孫需以古道正學作士淑人薦國子博士作正學解教胄子解諸生翕然宗之會孔廟被災上疏言孔子之心必不安於天子禮樂之祀題額宜曰先師孔子時論躋之三載乞致仕不允尋陞襄府左長史先是羅倫夢詩一聯以贈云南冠今入習家池一代風流更屬誰至是符其識云襄懷王新薨元化王暫理府事百弊叢積威令不行光隨方整頓由是官

僚効職奸宄革心宮闈肅清門禁嚴密而群小因之側目未幾進中順大夫致仕邑大夫歲時請爲鄉賓皆不應日惟兀坐手不釋卷興到則曳杖逍遙吟咏自適於世好澹然無與也年八十一而卒嘗言所謂聞道者在自得耳讀盡天下書說盡天下理無自得入頭處終是閑也其中殆有浩然自樂者

論曰聖門問學大都以孝弟爲本以克己復禮爲功近世譚者乃謂孝弟爲粗迹詆克復爲鈍根一意徑超頓悟至以佛老爲上乘列仲尼于三等何其敢於非聖而誣世惑民也仲尼之攻異端孟氏之闢邪說必先此矣南海恣在嶺外漢唐風氣漸開迄宋儒流寢盛若梁觀國見許於致堂簡克己從學於南軒皆得其門而入焉者我明則白沙陳獻章以主靜爲學以無欲爲要以自然爲宗以孝母不忘君爲大節可謂學得其正者其徒湛若水學務隨處體認天理獨默契其心傳若張詡林光則均有得於其指者是皆南海之流派也他若瓊州有丘文莊濬博學而能反于約潮陽有薛中



離侃研幾而能守乎正唐銓部伯元卓見而不徇  
乎時皆豪傑無待而興者各見瓊潮諸郡志中比  
者臺臣疏請白沙先生從祀 孔廟特奉 俞旨  
輿論快焉而甘泉先生得白沙真傳與陽明並駕  
亦當分一俎豆於兩廡之末惟 當軸者圖之

人物五 忠烈

晉先勁南海人家本武帥世爲部曲至勁讀書尚節  
操爲廣州中兵叅軍元興三年冬十月海寇盧循攻  
圍廣州勁帥揚威兵五百人出戰城陷爲循所執神  
氣自若循欲釋而用之勁叱曰賊奴乃欲凌國士邪  
遂遇害刺史吳隱之上其事義熙中追贈始興太守  
曲江縣侯謚忠義

宋黃俊南海人沉重有謀宋末爲摧鋒軍將性剛毅  
不能隨時俯仰見上官指畫兵事語纒連不少休每  
所主持堅不肯回由是知名每自詫曰鐵骨稜稜吾  
豈凡子邪會當爲國家作罷虎臣耳德祐二年元兵  
陷臨安廣東經略使徐直諒遣人赴隆興納款元酋  
阿里海牙呂師夔亦來徇廣州未幾益王卽位直諒

乃遣權提刑郡人李性道領摧鋒軍及水軍往拒元  
所遣將黃世雄等俊忠憤每曰奇男子當斬虜取侯  
王勿懾虜作兒女憐韓世忠岳武穆吾等儕也至石  
門遙望虜騎擁山寨川性道大恐俊進曰俊觀虜衆  
部伍未整分兵爲兩翼登塗遠其後擊之可以得志  
性道不從艤舟岸許不戰旣而虜結陣行列鼓躁而  
前俊奮身大呼率衆迎敵力戰寔等退縮不爲之援  
遂敗績奔還直諒聞之宵遁元黃世雄等遂陷廣州  
授性道寔賢官俊拒不受寔賢等謀害俊遂死之

馬南寶香山人世殷富讀書好義尤工於詩景炎二  
年十月端宗自潮州之淺灣航海避虜過邑南寶獻  
粟千石供軍端宗下詔獎之召拜權工部侍郎十一  
月丞相陳宜中少傅兼樞密副使張世傑殿前指揮  
使蘇劉義奉帝幸沙衝暫宮于南寶家南寶竭力保  
衛帝躬居數日元兵陷廣州諸將召募潮居里民數  
百以行南寶謂諸將曰功成之日當以奉迎孝恭懿  
聖皇帝爲先因飲諸將酒曰痛飲黃龍府在此行也  
遂歌岳武穆直擣長驅之句以相風勵慷慨激烈聞

者莫不壯之張世傑奉帝舟退保秀山帝次于井澳  
丙子颶風大作舟敗幾溺帝遂得心悸疾旬餘諸兵  
士稍稍集宜中欲奉帝走占城不果遂赴去南寶聞  
之慟哭曰丞相必不返國事去矣後果然景炎三年  
春都統凌震復廣州南寶賦詩志喜時帝舟次于化  
之碇洲病大作四月帝崩于碇洲衛王昺即位走崖  
山張世傑從之而魯淵子克出陵在厓山也宋亡悲  
憤不食元人籍仕宋者南寶遊匿不以姓名降嘗作  
詩有目擊厓門天地改寸心難與夜潮消又曰衆星  
耿耿滄溟底恨不同歸一少微聞者哀之也而元兵  
欲屠潮居里人爲南寶危而南寶恬不爲動後聞陳  
宜中奉帝昺猶在占城元主忽必烈下令捕之於是  
前招討使黎德梁起莘與南寶起兵運糧往迎車駕  
元萬戶王守信諭起莘歸降起莘奔還德覘其有貳  
心帥衆致討與戰大敗南寶被執不屈死之  
伍隆起新會人高大父珉高宗朝爲嶺南第十三將  
守南恩州卒于官子朝凱因家文章里生子之才仕  
陽春尉之才生天麟授龍井場提幹天麟生隆起帝

昂舟至厓隆起以世宋臣也知死忠於是聚米七千石率衆捍衛時元將張弘範攻陷廣州隆起死戰累日爲其下謝文子斬首以降丞相陸秀夫哀之刻首塋文逕山後生募得文子戮以祭墓云論者謂隆起義起匹夫遂能憤不顧身亦晚世奇節士哉

熊飛東莞人有武畧善騎射宋末勤王聞文天祥師出江西率兵往隸麾下德祐丙子兵潰元將黃世雄欲脅之降飛揚爲世雄守惠潮二州世雄疑之謀殺飛飛以舟師遁東莞趙必璩以義語之飛卽改署

宋旗號聞益王卽位以兵應制置使趙潛世雄怒遣其將姚文虎追之至邑境榴花村飛盡殺之世雄師退飛卽會潛復韶州時新會令曾逢龍亦帥兵至與飛會入廣州執降元通判李性道數其罪而囚之沒性道家焚其居遂復廣州時景炎改元之六月也元將呂師夔張榮實入梅嶺十月潛遣飛與逢龍禦之尋使將校劉自立守韶州逢龍戰死于南雄飛退保韶州師夔榮實復圍韶州飛守城力戰未幾自立降飛巷戰敗績死之

元梁曾甫南海洋浦人

今順德

智勇絕倫至正間舉江

西行省授番禺沙灣巡檢及盜起鄉人舉曾甫才略

足倚於是曾甫據形勢立壘砦流逋四歸盡散家財

以餉士不足則質其田以繼之鄉人賴以安賊遣使

說曾甫降曾甫斬以徇賊怒悉眾攻曾甫遂遇害今

祀于忠義祠

國朝關敏南海黃蓮人

今順德

元至正末豪民各據其

鄉敏亦築城聚眾為鄉土計洪武改元征南將軍廖

永忠下廣州敏以城降民皆釋兵歸田晦獨龍潭負

固敏為鄉導禽蘇世祿等百餘人永忠署敏巡檢已

而世祿黨攻敏殺之及其妻子二十餘人永忠愍焉

表其鄉曰忠義並以事聞詔贈敦武校尉兵馬司指

揮令有司立廟歲時祀之

張仲賢南海人與關敏同鄉稍讀書勇於為義偕敏

破龍潭賊有功後敏被殺仲賢力戰免及敏卹贈仲

賢亦授巡檢洪武十四年東莞賊曹真構逆 上遣

南雄侯趙庸討之仲賢隸麾下時賊扼港口仲賢先

進一戰奪焉賊既失據遂各奔潰已而賊薄東莞復

于貴

以仲賢援舟經海口賊悉衆來攻仲賢大戰手殺數十百人及暮亦死于敵仲賢勇捷出則常冠軍鋒無死庸痛惜之遣祭而旌其門今祀于忠臣祠

陳敬增城人洪武十四年以賢良舉授禮部主客司郎中遇事敢爲以事左遷雲南曲靖府官志署川州事劍川僭寇竊發來攻州城敬親率壯士禦衆寡不敵其下欲退敬瞑目大罵奮當前進遂力戰而死軍民咸哀哭賻焉事聞命有司恤其喪

梁奎字文燦順德人以弘治己酉鄉薦判袁州府桃源賊薄城奎出禦逐賊墮馬被執死之詔進秩錄其一子祀于崇義祠

區瑞順德人初爲諸生負節使氣學官啣之言於督學黜爲吏後爲德興典史補桃源賊有功已奏檄城萬羊賊突至被獲欲降之瑞指其腹曰此中節義文章豈從賊耶遂被害事聞亦錄其子與奎並祀林咸字季虛番禺人舉于鄉知惠安縣嘉靖戊午倭奴攻惠安居民僅九百家倭四倍之咸悉力拒守誓與城存亡有越城者手斬之懸首旌檣馘七十餘

人賊以呂公車攻城咸製敵棚三座外施絮被內藏銃弩火鎗射之賊解圍去尋流劫鴨山咸整兵往禦躬冒矢石為士卒倡眾寡不敵馬墜潦泥中死之輿論謂其光明俊偉且有完城功巡按御史樊獻科為文致祭稱其亡媿張睢陽顏常山云狀聞贈府通判時東莞黃尚正亦以巡檢死難贈太僕丞益蔭字

李堯卿字唐馮番禺人嘉靖癸卯舉于鄉丙辰授寧德令百廢具舉惠政大行民甚德之倭奴頻年入寇而寧德當其衝堯卿先戒嚴脩城濬隍練兵飾哭邑

而倭寇數千來攻知有備遂解去父老上其績督府檄獎之歲辛酉倭奴復至繞城而攻堯卿仗劍督戰踰旬城中力竭外援不至攻轉急堯卿度勢亟不可支遂解印遣人馳省下為死守計亡何城陷死之狀聞贈太僕寺丞廕子翁齡為太學生

人物六 孝友

漢羅威字德仁番禺人性惇慤幼知禮讓八歲喪父八如成人事母至孝未嘗疾言遽色躬勤苦以奉養奇珍必力致之寒夜身先溫席母乃寢制行高雅

口無俚言足不跡權門待妻孥如賓客耕先世遺  
以官給非其力不食也鄰家牛數犯其稼威屢刈  
潛納其門牛主驚恠久之知爲威感其長者自是  
束不忍犯出遇老稚負戴於塗輒代其任邑人化之  
孝慈成俗令異其行辟召署門下吏威辭不就強之  
則偕毋遁于增城令去復還後居毋喪積毀骨立蔬  
食三年既葬廬墓朝夕哀泣白鹿止其傍馴擾如家  
畜世以爲孝感所致威與同邑唐頌篤行齊名王僧  
孺爲南海太守下教求士有曰斯境三閩奧壤百學

故都漢開吳析分星畫部風序泱泱衣簪斯盛其川  
岳所產豈直明珠大貝桂蠹翠羽孝實人經則有羅  
威唐頌學惟業本則有陳元士燮自是高尚獨往相  
望於嵯岩懷仁抱義繼宗於前史蓋以廣之多賢由  
威輩倡也陳元士燮並以文學震一時然躬行或少  
愧焉

唐頌字德雅番禺人以孝聞連遭親喪毀幾滅性逮  
葬躬負土爲墳傍結茅廬寢處其中扶服哭躍朝夕  
捧盥進膳事之如生者六年有甘露降于樹馨郁霽



霽彌月不息人或訪頌見白鹿拾食廬次若家畜然  
 咸驚異之稱為唐孝子親歿後終身衣不純采非祭  
 不如酒肉見親遺物或經所遊歷處淚淫淫不禁其  
 篤行蓋天性也有司察孝廉仕為布山令邑雜民夷  
 號難治頌沃以寬和不事威讐挫疆村柔惠及嫠嫠  
 民感其仁無梗化者後頌卒民為立祠南齊永明中  
 范雲為廣州刺史首遣使祭孝子羅威唐頌墓蓋以  
 勵俗也廣人多感頌之賢並以祝之

晉黃舒東莞人事親家貧力業以供滌滌侍膳盛暑

未

肝冠帶親

以指雖千里外往焉曾無色人

稱紉子父卒

欲無生躬負土為墳結廬中側

籍出居深野

豺狼左右號而舒安之每寒夜

哭聲

遠聞人為泣下却酒肉弗御

佳

孟父之形容枯槁人勸其還哭而弗答

長亦如之間巷

言生養沒哀今之曾參也有

矢旌南因名其居曰參里傍有山亦稱曰參里

山宋沈遠南越志載舒事謂不讓古人云

木雷

善陽人

敏與孔文仲登岳陽樓

孝友

五十五

彥道

翫古碑一閱卽記三與鄉董四年踰六十始歿  
 士調衢州西安令母年八十不與就養庠生日忘于  
 懷母偶小恙庠忽心動曰此必母不安也輒棄  
 額天請以身代母尋愈遂不仕 一愈肆力於學  
 其博極群書名其鄉曰通儒

韓經增城人家于韓唐村蚤喪父與弟締力田養母  
 孝友著聞母喪哀毀踰禮竭力治塋墓在葛峒山廬  
 其側穴壙以入哭撫母柩夜則宿柩下日則出于廬  
 舍素食三年然後歸室天感其孝一日風雨晝暝飛  
 錢數萬入其宅由是家裕世稱韓孝子云

張道真連州人幼喪父事母至孝母病醫藥不效或  
 謂陳藏器本草人肉能已 道真慨然引刀割股爲  
 羹以進母病遂愈道真病 夢神人從天而下持籙  
 文符令吞之比寤創已合淳熙中郡守樓鑄上其事  
 詔旌之

阮與子香山人天性純篤讀書能通大義早 母  
 父元輔盡孝德祐丙子父 一夕稽顙  
 請以身代迺割股肉和藥以飲 遂瘳經畧

之資以二帛覘所居為孝行切將以上聞  
不果居五年父衣毀踰禮

黎東莞人其世本贛州宋季知雷州獻臣者留

伯徙東莞遂定居焉敦行禮義鄉人化之嘗  
割股以愈親疾宋旌其曰孝義署其里曰德本

元陳韶孫也父瀏以罪流肇州韶孫年十歲不

遠朝夕號泣願從父不能奪遂與俱往跋涉萬  
里避勞苦道過遼陽平章塔出見而憫焉語之曰

天子寬仁罰弗及嗣邊地苦寒非汝所堪吾返汝故

鄉願之乎韶孫曰既不能身代父當死生以之歸非  
所願也塔出驚異以錢賞之大德六年父死韶孫哀  
慟見者皆為泣下肇州萬戶府以聞命放還鄉仍旌  
異之

元俊字允超番禺人兄第五人元俊最少事諸兄  
甚恭謹家庭之間雖難如也平居重厚不輕言諾鄉  
間有曲直者詣正之各厭其心或勸之仕嘆曰吾豈  
不知仕進之榮哉飛鳥擇木吾將有所擇矣卜居香  
家元季兵起人倚其兄元方為保障元俊毅然立營

堡築上城環之引泉爲濠塹山後諸盜不敢經其壘  
廣東都元師王本肅錄其功上之徵至省臺以便且  
授官然非其好也子漢忠亦端慤有父風

單仲昇增城人父喪與兄仲宗同居養母至孝元至  
大戊申母鄭氏卒塋于藍山之原蔬食水飲不事家  
業廬墓三年鄉里稱其孝

袁清吉東莞人一日甥黎過其門不下馬其兄祥吉  
遇之責黎曰而母是在吾家何倨也黎啣之適王成  
構亂黎以前憾譖曰里人無不眼將軍者獨惑於袁  
祥吉不誅無以定衆成信之執祥吉加僂焉清吉詣  
營請曰願從將軍可尤養母撫幼侄清吉請代死成  
竟殺之聞者揮涕

**明**朱壁清遠人少爲邑諸生志行端潔孝友著聞丁  
母憂泣血三年未嘗見齒與弟侄同爨四十餘年一  
錢尺帛不入私囊洪武二十四年貢入太學官至工  
部主事督理營繕以廉勤聞今祀于鄉賢祠

梁惠生東莞人洪武初其兄惠養得重罪當解京即  
刑惠生日兄承宗祀第請代死遂從械繫之京就死

義士莫不傷之

梁孟祥者順德人性至孝永樂初父以吏流口比孟祥甫四歲携于墻屏之下語之曰吾行恐無還期兒別我矣父果不還孟祥自後拜于墻屏下拜則泣終其身歲久墻壞人令毀之孟祥不聽曰是猶彷彿見吾親也年甫壯喪妻亦不娶

陳添佐新會人爲人玄曠讀書長隄高柳間徜徉焉嘗夜泛偶有所適遂有終焉之志性至孝五歲失怙與少弟添佑育于李母元末盜起奉母逃山澤相陷

賊中母子濶絕者十年添佐苦思母每歔歔泣下賊憐而歸之見母於樓岡羈困採拾以養至洪武初年始與弟奉母還鄉乃築報本亭于先墓爲堂二曰報德曰娛親志不忘也縣令舉孝廉以母老不就後以崇祠踰制戍遼海以母老乞骸骨得代歸時聞母病倍道奔未至母逝哀毀骨立治喪一奉朱子家禮而叅以鄭氏家規時南海李真佑避薦而來微服爲人傭人不識也添佐延至其家相與訂爲家式百條及

三省九思十戒訓其家

邑人鄧林爲作月溪處士傳

唐豫字用之順德人父奎洪武初以經明行脩薦授  
增城教諭博覽群書號唐書匪湛菜民作亂往諭之  
被執不屈死豫生而穎悟少從孫蕢遊作詩文有古  
風痛父非命建蓼莪亭以寓孝思德行醇謹爲鄉黨  
所重嘗定鄉約鄉人信行之子璧亦有文行母瞽不  
能自食璧朝夕親爲飯之後目復明一時公卿皆重  
璧多欲薦璧者以母老辭璧動循禮雖甚暑未嘗去  
衣冠訓誨子弟端立正坐出入規矩然後授以句讀  
或見以爲迂曰文藝末事不收放心何以授教其敦  
行若此

容悌與字行白香山人性質醇厚學博行脩明經長  
於書永樂中署儒學事聘脩邑志士大夫咸推重之  
執弟子禮者無遠邇居家有禮男女各有學祀先謹  
祠堂之制嫁宗族孤女數人母陳氏病風癱悌與躬  
視湯藥十三年無頃刻忘憊母沒哀毀踰禮邑人稱  
爲孝行先生自經學外攻吟詠所著有雲嵐集  
何潛淵東莞人質直有守明敏好學爲詩文必欲理  
勝於詞立身行已克循矩度蚤從羊城陳仲璧學旅

館夜分忽有窺宋王墻者遽斥使退朋儕重之洪熙初知縣李貞舉經明行脩薦于藩司以親老辭歸親疾侍湯藥惟謹居喪毀瘠三年不茹酒肉事兄潛珎友愛彌篤頰白猶同財產名堂曰同心晚年與邑耆英結詩社于鳳臺社中宗之年八十五卒

伍驥字弘道新會人其初祖汴人宋末爲翰林典章扈蹕南渡至厓山宋亡遂居文章里驥其後也驥早孤事兄騏甚謹騏以事戍遼請代不許哀別行道憐之嘗歸自京師夜泊白沙澚忽聞水呼亟起乃一童

子詢之曰五兄父顛人全家没入幸而得釋將吾母子三人附便舟俄而父病死舟人利吾財驅死於江吾以能浮脫身至此懼不免驥曰毋恐賊必得俄果追及呼曰吾兒夜墮水中掇出者予百金即出金示同舟欲利之驥不可曰詒我隨以童子詣白沙寨白其狀捕治之果伏罪性好儒術多藏書名士依之李郁字文盛連州人永樂中鄉薦授福清訓導九年擢知祥符縣又九年擢開封同知遂解組歸以俸餘置田均之兄弟今子孫蕃衍鄉人笑之

容師偃香山人悌與四世孫少性純父罹癰疾兄弟  
六人惟師偃侍朝夕弗離側正德丁丑寇掠其鄉人  
各奔竄師偃肩父而逃賊追之急父麾使遁師偃不  
肯去泣謂曰父子更相爲命去將安之俄而寇至俱  
被執縱火焚其父師偃泣曰父老且病請以身代寇  
舍其父遂就焚死時年二十一父設祠置田祀之  
阮珩字國用順德人少游庠校兄死歸養親喪不御  
酒肉哀毀骨立督學潘府行部至邑珩復出見府試  
其文欲廩之不受諸生上其行府撰四難文旌之又

余尚卿與珩同邑性至孝爲諸生直指毛鳳會考首  
拔之行潔喜施嘗直誣却其餽不較侵地稱長者子  
光裕孝友質直歷左長史居官廉正所至有遺愛  
黎晟字子明南海人事親得其懽心父歿哀毀骨立  
不飲酒不茹葷三年及喪母亦如之人多其孝

李悅字子喜新會縣人天性孝友年七十言及父母  
輒流涕長兄七子二十餘孫產薄不能自存召與同  
居以已財產均之族人多來依者至百餘口庭無間  
言所居臨海颶風作棺骸漂集悅皆收而葬之同邑



李翔順德嚴竦俱以孝友稱翔進士授衢州推官以  
 母老留室事之携一僕以行尋擢主事欲改南迎養  
 或止之翔曰近思老母夢魂顛倒遂請歸抵家七日  
 而母卒人謂孝感竦置祀田捐產繼兄邑旌焉

容璠字廷桂新會人性質魯仁孝早失怙每奉遺物  
 輒泣不已至盜火其居遺物獨存其孝感如此事冊  
 志養尤篤由歲貢至京以母老陳情終養母喪復入  
 南監祭酒費案尚書湛若水交薦嘉靖初廣東布政  
 使李中以聞詔旌其門後授遂昌主簿時南海有陳

休者以孝行稱御史姚虞督學蕭鳴鳳並旌之

陸任忠字希旦南海人正德丙子舉于鄉歷知清流  
 縣居官六載不以家隨人多其廉靜轉梧州府同知  
 時議征安南理餉有功受金幣之賜佐楮八載以持

正忤僚長輒棄官歸督府蔡經慰留弗聽積俸置產  
 與二弟均之二弟議曰兄三子吾兩人俱一子今兄  
 第均產是吾子之產三陪兄矣拮据自兄可濫受乎  
 宜析產為五均之諸子力請乃許之兄弟義讓之美  
 盖近世所罕見云同里羅汝涇亦以友愛稱歷仕知  
 州父遺產數百金盡讓其弟自其清約鄉評重之

朱以藩清遠人孝友尚義行誼端方鄉民盧時舉之  
 輩因饑鬻子晝夜號泣出金與贖舅袁紹脩遺幼子

女生爲婚娶死爲喪塋族貧能周以歲貢爲龍溪縣丞在位清明撫字蒼赤名行著聞卒于官人多其義鄭應新字孟元順德人宋主簿漢章九世孫也父翼瑞金令晚年邁竒藥疾弗效應新割臂肉和灸以進翼飲之遂愈應新又無子年七十始生用淵以鄉薦歷官府通判亦敦行能詩

鍾雲祥東莞人爲邑諸生執父喪哀毀骨立及塋結廬墓側朝夕哀慕成病毋強之歸宿必外堂三年督學童拯旌其門病卒督學魏校遣官致祭立碑表之

羅萬里字一鵬順德人少克邑諸生篤於行誼與弟萬程友愛四十口共爨無間言父喪哀毀廬墓知縣曾仲魁袁鉞吳寵並表其門毋卒萬里哀過而沒御史楊以誠復旌之同邑關祺祖亦與弟棋穢祺和友愛孫啓東守其訓三世猶同居云

何功右字元理順德人生三月而孤母李氏守節育之無間言功右有至性稍長問父容貌見遺書輒泣嘗以不逮事父爲恨奉母極懽未嘗遠左右母病籲天求代居喪哀毀幾不能生著苦思錄以寄哀慕見

廣東通志 卷之二十三 六十三  
者傷之後家產芝九莖甘露降于庭人謂孝感縉紳  
長者多與之遊雖盜賊亦戒毋犯何孝子萬曆丁酉  
御史劉會以聞下詔旌之

黃觀英番禺人事母至孝家貧四十不娶人勸之曰  
以不歆分母食也每晨出鬻菜必具溫湯及食時不  
能先喫則在市肆具精飯雜以魚肉奉母而後自具  
食或果蔬之屬必擇美者進其母率以爲常比母卒  
營殯之始娶妻舉一子云尚書湛若水恒給之粟有  
司表其廬萬曆初卒布政鄒善葬之北廓樹碑焉

人物七隱逸

漢董正字伯和番禺人少雋穎耽志墳典年十五通  
詩禮春秋遂以學行知名守令重其才常詣廬疇咨  
屢辟不就熹平末張角起難天下大亂正每仰觀天  
象知漢曆不來輒掩涕太息或勸出仕歎曰潛龍以  
不見爲德君子以藏寶自完吾惟俟時而已正行誼  
孤高志在規俗躬耕自給不容貧窮暇即講詩書陳  
禮法學者多從之遊里中或少爲不善必相戒曰伯  
和得無知乎不平者多詣求直南陽車遂聞正名不

遠千里投之相與如兄弟者數年遂病正罄資救卹  
瀕危正呼曰君何以見屬遂瞪視曰以死累君言訖  
而絕正爲停柩於堂殯殮等之兄弟躬送喪歸南陽  
粵產多奇貨番禺爲都會商賈輳集貿遷者多致富  
加以夷獠叢雜習尚輕悍鬪爭射利未嘗知學感正  
清白澆俗日更建安中正卒塋番禺過者必式晉隆  
和中南海太守袁宏追想其風采錄行以聞詔表閭  
墓禁樵牧

六朝姚成甫番禺人幼聰悟以學術鳴居父憂積毀成

羸疾比長州辟長史不就以父不仕復脩世業家雖  
貧而性耽山水跡托丘園不爲塵網所嬰吳刺史陸  
胤苦南海水鹹鹵導泉爲甘溪後寢湮涸成甫復濬  
之郡蒙其利晉咸安中遊蒲澗遇異人教之服菖蒲  
曰此安期生所餌駐顏聖藥也成甫如其言餌之身  
覺輕健築室甘溪之上歲被徵辟皆不就郡人高其  
誼咸愛敬之年踰八十卒

盧度字孝章清遠人性穎悟精老易諳兵法亦有道  
術少隨張永侵魏永敗魏人追急阻淮水不得過度

心誓曰倘免當不復殺生須臾見兩楮浮至藉以濟歸隱廬陵西昌三碩山出則鳥獸相隨夜有鹿觸其壁度止之鹿應聲去池魚皆名呼相次就食逆知死期與親友別永明末卒

**宋陳儻**東莞人祖建炎中徙自同安隱居樂道以好善稱六子皆能自樹長子生有才略以防江保民功補授承節郎子孫蕃盛衣冠人物爲邑之最

陳去華南海人少有志行恬於仕進嘗從陸九淵遊九淵稱其警發偉特嘗詢孔子與點之意去華屢以爲理會未得令據所見言之曰據去華所見三子都是事上著到曾點却在這裏著到九淵喜自是益有省悟辭歸未幾卒九淵深惜之

譚凱南海人性恬靜不安言讀書務自得不爲紛華所動年二十餘即謝科舉崔輿之高其行帥淮東日馳書荐于廣帥楊長孺孺得書喜曰敬老尊賢以風勵世俗吾心也亟往見之尊爲學老日南至長孺詣學謁先師畢守帥以下聚拜明倫堂孺忽退立西偏命兩吏掖凱以進拜之既而貳車以下帥郡官旅拜

其為時所重如此壽八十六卒後同邑林橐亦以靜脩聞廣帥方大琮初行鄉飲禮延為大賓橐年踰九十威儀可則大琮甚重之

田知白番禺人制行高潔廣帥方大琮建濂泉書院既落成謀於李昉英求耆英首席昉英曰郡中無如田知白者大琮躬詣之知白以病辭再往叩之則遁矣知白時年踰八十猶能燈下細書貧而好酒自號醉鄉遺老時東莞黎獻隱居教授亦以學行聞

趙東山東莞人系出濮邱博學能詩性高古不諧流

俗遇談勝國事則掩耳不聞常登鳳凰臺以舒懷抱每望厓山輒潛然流涕邑中有何文季者亦慷慨敦節嘗相與吟詠以寓黍離之悲人皆義之其詩多傳于世而東山尤多石刻今尚存云

元區適子字正叔南海登洲人今順德父璵仕宋為德

慶叅軍廉介有聲適子幼俊爽能文詞及長重厚寡言咲以博洽聞學者多從之遊所居鄉名鮎洲而適子自號登洲於是人更名其鄉登洲以適子故也適子抱道不仕或問之曰吾南人操南音安能與達魯

花亦相俯仰耶京口劉與子序適子文曰君德人也  
 余以文七目之淺矣扶胥之南粵臺之下寧復有斯  
 人哉子魯卿元季出粟四百石作粥食饑者魯卿卒  
 盜戒勿犯其墓

張搗字彥謙新會人蒙正弟子也嗜學強記年十八  
 賦吊厓門詩蒙正見而器之長益潛心經籍洪武初  
 知縣謝景賜為構堂于象山之麓俾邑人師事焉扁  
 其軒曰養拙學者稱為象山先生其學以明理為要  
 詩文爾雅一時弟子多能模範之云

**國朝**黎貞字彥晦新會人少超穎曠達不羈從孫黃  
 遊博通經史善屬文流輩莫及也好揚榷古今多所  
 獨得洪武初補郡庠生部使者舉為邑訓導不就退  
 築釣臺曰此吾嚴陵瀨也八年辟明經至京以病不  
 赴部試遂賦詩出都門一詩名公咸重之後以事註  
 誤戎遼東十八年備嘗艱阻而意氣益增比放還聲  
 稱籍甚學者多從之游間嘗自贊其像曰江湖勝覽  
 勃海浪遊飄飄一葉浩蕩沉浮惟酒是務陶陶忘憂  
 譬彼力穡乃亦有秋不知老之將至樂夫天命死即

休初貞在遼時孫蕢亦以事戍遼後就戮貞解衣裹其屍殮如禮奉柩葬于安山爲文哀之讀者墮淚自遼歸適薄暮仰視明月亟呼舟中餘酒登釣臺歎曰風景無恙老子亦復歸來吟嘯久之乃抵家其胸次灑落此類也卒年五十九所著有秣坡集元史斷諸書藏于家陳獻章曰高山景行吾鄉先喆黎秣坡先生一人而已

黎和字伯英南海人少警悟能文美風儀事親以孝謹聞與孫蕢唐豫友善元季避地槎溪歲凶竭力以給供養雖當亂離手不釋卷親沒廬墓三年 皇朝混一流徙復業始還夏溪闢萊蕪耕鑿吟嘯自如嘗揭八行爲家訓鄉人化之有王烈風捐貲建永安橋二以通利涉永樂庚寅辟茂才至京以老疾乞歸道遙巖壑以樂餘年一時名士多從之遊時東莞袁友信亦兩被徵書弗寃厥用皆所謂姱脩之士也

李孔脩字子長順德人自稱抱真子僑居省之高第街混跡闖闖人不識也張詡薦于陳獻章獻章稱之名由此著孔脩有庶母父沒改適誣孔脩奪其產縣



鞫之孔脩操筆置對曰母言是令疑焉得其情乃大禮敬孔脩孔脩敝廬薄產蔬食不繼未嘗一顰其眉詩字不履前人自爲戶牖或觀山水歸而圖之其有得者衆競酬之金平居管寧帽朱子深衣入夜不違二十年不入城闕惟攻周易城中兒童婦女皆稱曰子長先生吳廷舉由縣令歷藩臬在粵最久與孔脩爲布衣交兩人高風在塵埃之表粵人常道之孔脩卒無子憲使李中少叅王洙經紀其喪尚書霍韜葬之西樵山並志其墓韜謂白沙振世之志唯孔脩張

詡謝佑不失其甚示云西樵人祭社以孔脩配

謝佑字天錫南海人嘗從陳獻章遊一聞主靜竅際遂築室葵山之下棲焉窶甚并日而殮襪不掩脛晏如也塵世名利不少罍胸臆病中嘗寄友人湛若水詩曰生從何處來化從何處去化化與生生便是真元處未幾卒後若水祠其師于白雲山以佑配

何廷矩字時振番禺人爲郡諸生以文行爲督學胡榮所器重見陳獻章即棄舉子業從之遊會將秋試廷矩毅然謝去榮遣人乘馬追之謝曰泉石疾已在

膏肓矣遂不復出所著有禮意大全三卷存羊錄十卷皆本周禮云

霍任字尹先南海人少同兄韜讀書僧舍衣冠相對卽暑夜不違人服其端莊兩試不遇遂潜心理學以主靜爲根宗絕玩好斷戲謔於聲色名利澹如也父毋沒哀毀成瘠齋素二年廬墓西樵服闋因移家墓下兄方歷顯要秉銓衡而任托跡谿谷間與陳獻章高弟鄧德昌輩泉石自娛不與世事然赴人之急甚於其私有受誣殺人者未嘗識面聞其冤輒爲雪釋

其人致百金謝揮而不受歲侵令家人減食以賑見債負苦累或代償焉有兩田更闕乙不勝毀甲先隴釋憾甲將訟于官任諭之不聽乃具脯醑往拜其隴躬飾之甲驚曰吾世田更何以當此遂不復訟其厚德類此栖西樵垂四十載山民父視之比卒聞者莫不悲悼所著有心性說解宙山剩言行于世季弟傑有奇行亦隱西樵獨處石室中經旬絕粒無饑色終身不娶有林逋風嘉靖元年忽出會城徧辭親友登越王臺端坐而逝數日顏色如生人皆異之

鍾景星字叔輝東莞人少習舉業聞湛若水講學西樵遂受學焉久之相從至都下與陳謨郭肇乾相策勵終日正襟未嘗少懈如是者數年克然有得其飾躬砥行毅如也家最貧然毫不苟取雖往來諸名公間終身未嘗有所干人以此益重之晚年養愈冲粹喜怒不形未嘗疾言遽色望者知其爲有道士云卒年七十四幾無以斂邑令喬誥捐貲助之乃克塋焉尚書何維栢銘其墓

人物八 文苑

唐李文孺字文質南海人少以詞翰知名爲番禺從事元和中應湖南徵辟道樂昌遊泐溪石室衆推作記揮毫立成情景畢萃見者咸服轉觀察推官惟憂東還帥府孔戣甚重之延爲記室每事周咨會韓愈謫潮州刺史文孺以愈名儒州小俸薄宜加優禮戣從之月給錢五十千愈遜謝不受時論兩稱其賢後在湖南以侍御史充節度判官剛方嚴重不少阿徇竟以舉刺忤帥罷歸家徒壁立惟玩圖書而已曾孫休亦博雅有祖風致

張詢字正言南海人家貧力學工於詩性行孤潔而百藝尤精絕舉進士不第後流寓長安以畫自適善貌吳中山水中和間隨車駕至蜀中人重詢名爭詣求之嘗爲昭寺僧夢休作早午晚三景於壁間謂之三時山僖宗駕幸寺見之歎賞彌日以是與夢休交善值唐亂遂依托焉王建據蜀稱帝其太子簡王欲遷畫於東宮爲壁泥通枋難移乃寢

楊環南海人力學工詩隱居羅浮咸通登進士第初任省時夢登高臺耘草得玉麟及除校書郎賀者曰子居是職所謂麟臺芸閣也始悟所夢拜官後即拂衣歸隱至德令周繇與環友善又有黃隱居者往來羅浮與環莫逆日以琴尊自娛時稱南濱三隱

五代邵安石連州人唐乾符三年進士有詩名後仕朱全忠全忠督兵河上對壘晉人遣使致匣僞云求和重寶湏人主莊肅發之安石請以重囚啓鑰機發矢貫胸臆全忠拊其背嘉嘆不已擢右諫議大夫後改其鄉爲邵南

黃匪躬連州人幼負詩名登唐光啓三年進士後仕

采掌江西鍾傳幕奏記楚王馬殷傾慕之值匪躬使事至殷大喜盡蠲其門戶租役匪躬固辭殷曰老夫嘗恨不一挹清風今幸得見惟恐不足以奉湯沐

吳靄字廷俊連州人母浣帛於江觸沉鯉而妊既生膊上有肉鱗七歲時能詩嘗詠野燒云煙隨紅焰斷化作白雲飛識者知其爲青雲器登唐光化三年進士黃巢之亂靄爲寇兵所獲朱全忠深器之置之幕府官開平三年改鄉爲衣錦

孟賓于字國儀連州人少聰慧力學不倦父以家貧且少兄弟止之不聽晉天福九年登進士第後仕湖南江南歷水部郎中賓于能詩有盛唐風致工部侍郎李若虛觀察沅湘賓于以詩數百篇號金鰲集獻之大見稱賞因拔其尤者播之朝中賓于聲譽遂著嘗與同年進士李昉相友善昉仕宋官翰林學士而賓于猶爲南唐郎官寄賓于詩有曰昔日聲名喧洛下只今詩價滿江南蓋惜其不顯也後隱玉笥山江南平歸老于鄉卒年八十七賓于以詩名而喜獎拔後進士林多之陳堯佐稱賓于詩謂如百丈懸流灑

廣東通志 卷之二十一 五 七十四 三百五十五  
落蒼翠間清雄犇放豎人毛骨五代以來詩人所不  
逮云同時有胡昉者亦工詩構詞警拔古風歌謠效  
李賀體所著有蘗川集

鄧恂美連州人有敏才工詩賦時湖南宋昂號博學  
一時士無當意者獨遜恂美天福中與孟賓于並爲  
李若虛薦入洛陽擢進士第後還家爲湖南節度使  
周行逢所留置幕下恂美性迂僻同事者多不喜行  
逢禮遇漸薄雖處府僚不免空乏同年王溥入相聞  
恂美不得志寄之詩曰綵衣我已登黃閣白社君猶  
窘故廬自是行逢稍優給之未幾翰林學士李昉以  
使至亦恂美同年也召見傳舍不覺悲泣因與唱和  
歎論竟日行逢疑其泄已陰事黜爲場官復遣人詐  
爲賊突入官署殺之聞者痛惜行逢猜忌鷲酷群下  
多以譖死及殺恂美士論益不與後李昉再至徒步  
百里訪恂美墓爲詩哭之世多其友誼

宋陳宗諤字昌言連州人工文章不拘時習家有養  
源堂著述甚富張浚在連喜與論文浚子拭嚴事之  
以特奏名仕瀧水丞攝端溪令或勸其爲自植計曰

俸入已足此外何求乎後浚欲薦于朝未上而宗諤卒有養源集行于世

嚴武連州人其祖平治中爲獄吏里有孝婦孀居事姑甚謹忽以疾終姑之女利其貲產誣孝婦謀他適毒其母孝婦久繫苦篳楚遂誣服武祖得其情抱案詣郡守力爲之辯郡守怒勒歸田里孝婦尋亦釋後生武年九歲卽能詩嘗上郡守云一陣春風散曉霞使君千騎擁高牙太平天子加崇重見說瀛州已草麻弱冠登進士累官朝散大夫知南恩州時稱循良人謂其祖陰德之報云

歐陽經連州人家世業儒經尤卓穎熙寧中登進士輒乞歸建一草堂日讀書其中初任杭州幕官以詩文見稱時蘇軾帥杭薦其才行蕪美忠孝無虧累遷朝散大夫知封州

歐陽獻可字晉叔連州人幼領鄉薦俄厭舉業棄去學爲古文嘗作見山臺記張浚亟稱之名其讀書處曰致一堂且爲之記時州人苦於上供銀額獻可上書州郡奏乞蠲除至今人猶道其事

歐陽祐字力忠連州人父震元豐進士歷朝請郎知興慶府祐不受父世澤紹興二年登第即引疾歸吟咏自適士林多其高致尤工書翰為世所珍有集藏于家

劉鎮字叔安南海人性恬淡有孝行兄弟三人俱有文名嘉泰二年登進士第嘗以誚誤謫居三山三十年詩益工真德秀為請得釋歸仲弟鎔字叔冶尤工於書慶元五年登進士第嘗知欽州歷朝奉大夫季第鐸字叔文紹熙四年登進士第初兄弟自為師友及相繼顯邦人榮之有司名其坊曰藜桂里曰賢巷以旌之鎮所為詩秀朗清潤為時所重有隨如集行于世

蔡齊基字夢得連州人預鄉薦嘗著周易述解九卷大意謂四聖作易尊君卑臣進陽退陰無非為天下安危治亂計嘉定八年授瓊州戶錄會呂祖謙門人趙善譚為瓊筦安撫見其書大喜錄進之叅政樓鑰稱善由是名聞于朝齊基尤工于詩自謂少從徐張學詩得四大法門其詞翰踔厲自成一家有集傳于



世

**國朝黃勳**字敏功東莞人博學爲文雄放出入經史  
追踪古人元季避地白濠寒暑雨不倦雖在離亂中  
持志益堅手不釋卷洪武初以薦授邑訓導善教著  
聞後改梧州致仕卒于家子受益世其文學尤善詩  
文開門授徒戶履常滿雅志不喜仕永樂庚子有司  
強之入試果中選竟隱居不出子結最知名

周尚文香山人初從翰林侍制黃哲講藝番山清苦  
該博哲器重之洪武甲子領解額第一乙丑登進士

明年出丞龍巖洩任公勤廉潔嘗脩虎渡橋以便民  
請改鐵賈爲折鈔免遠運之苦召爲御史未行坐事  
謫戍馴象衛時丁顛偕戍相與倡和超然自得其文  
多妙悟以韓柳李杜爲宗其孫慈堅儒雅有祖風  
林茂香山人里中素不知學茂始發憤不爲俗移文  
名大著洪武庚午領鄉薦入胄監列上等被選爲湖  
廣道御史擢刑部員外郎卓有政績所作詩雋永可  
喜嘗詠松桂人傳誦之

歐觀生香山人倜儻不羈博學工文詩尤豪邁洪武

丙子鄉貢進士教授紹興以性介忤當道左遷什方  
典史歸年六十卒所著有梅軒集

鄭毅字德弘南海人洪武庚戌舉于鄉釋褐監察御  
史嘗按八閩以清直稱才思敏贍所爲詩揮毫立就  
一時言能詩者必曰鄭御史

馬名廣番禺人少通經能賦詩以家累戍遼左在戍  
所未嘗廢書新會黎貞亦以謫至相與倡和詞多悲  
壯人傳誦之洪武癸酉詣闕陳五事 上察其言多  
可採用但謂工商子弟不宜與士列有悖聖人有教  
無類之意命禮部擇行之尋授恭和丞

鄧林字士齊新會人洪武丙子鄉薦授廣西貴縣教  
諭林素嗜學工古文辭嘗謂學詩於陶韋李杜學文  
於史漢韓柳學書於晉唐諸名家云考蹟至京大學  
士楊士奇祭酒李時勉見其詩文以爲嶺南人文在  
是留史館脩書尋出教南昌被薦遷吏部主事宣德  
四年以事忤 旨謫杭州名士多從之吟詠自適也  
久之放歸田里卒林尤篤於友誼生平慷慨自命所  
著有退庵集傳於世

梁臨字仲敬新會人羅蒙正弟子英華秀發工詩文而長於舉業蒙正稱之洪武庚戌薦于鄉辛亥登進士第賜燕中書堂賦詩有鼓腹愧蒙天澤溥願推餘滴遍烝民之句一時翕然稱之歷永城縣丞禮部主事卒

何子海字百川番禺人宋進士起隆之後博學能詩嘗擬秋風三疊清婉沉蔚評者以爲過居實遠甚登洪武辛亥進士歷丞睢寧永康二縣而卒

黃裳字文中東莞人先世家閩之莆田從父景和來戍南海性莊重刻志學問通百家子史工詩文善書翰戎衛禮爲社學師文武子弟從游者以百數蓋文學之儒也有敬庵集

彭森字伯森南海人孤貧爲諸生所服襤衫缺紉紙補之有司見而憫焉爲給燈油使力學森以是得肆力於書援筆輒萬言皆中矩矧永樂甲午鄉試第一明年登進士授山西道監察御史陞福建叅政始未第時聘同里貧家女及發解其家以窶辭親戚復以女貌陋止之森不可竟成婚恩愛甚篤生子皆賢有

舉于鄉者森文藝精絕獨居官無聞焉論其夫婦大倫則今之庭式云

董匡字宗輔番禺人性介特遂於易尤善草書隸篆與弟匱俱負才名稱番禺二董永樂丁酉領鄉薦明年赴春官兄弟同登乙榜匡授萬載教授癸卯典山東文衡秩滿超爲貴州道監察御史讞獄平恕匱授金谿訓導有二董集傳世

涂瑞字邦祥番禺人少穎悟儀表豐偉弱冠蔚有文名成化丁酉領解首丁未進士第三人及第授翰林院編脩肆力于學醞籍日邃同館皆推重之庚戌以脩憲廟實錄成遷脩撰癸丑引例歸省時父母皆無恙亡何卒衆咸惜之瑞所爲文汪洋浩滴成一家言時東莞劉存業亦以第二人及第並有文名

黎暹字景升順德人穎博工文辭精於楷法成化乙酉薦于鄉卒業胄監爲祭酒丘濬所稱授金華府同知當塗有作多出暹手嘗見某碑不文礪易之爲狹中者所憾罷歸構羅江書院吟嘯其中頌賦誄銘人多求之一時縉紳亦皆推遜以爲不及垂老自志其

墓其曠達如此所著有草庭集

倫以諒字彥周狀元文叙長子丰神秀雅世比之衛玠正德丙子舉鄉試第一越五年登進士第選翰林庶吉士秉軸者忌其才名出爲山西道御史未幾歸養數年言官交薦起補浙江道疏舉尚書林俊諸耆英輿論多之改吏部文選主事歷稽勲郎中久之出爲南京通政司叅議復謝病歸尋丁母憂遂無復用世志與主事王漸達最相得偕遊名山詩酒自適一時縉紳遜其豪爽卒年六十五以諒性孝友弟以訓宦遊歸無居第輒讓舍居之親族待舉火者甚衆然未嘗德色人以此多之

倫以 訥字彥群文敘季子也幼穎悟善屬書摘詞年十一舉鄉薦戊戌登進士第廷試初擬鼎甲有忌之  
二甲授儀制主事考定典禮表正文體先是王  
 冑多滋弊竇力釐革之考最轉南京兵部武選  
郎中以母愛力請歸養事伯兄甚恭從遊湛增  
勤衣冠多率古禮於鄉同恂恂如也甲子寇變外城  
震心亟叩直指開城門納之

永暮年力學不

言者履滿戶外焉卒年八十所著文集五十六卷訂集四十三卷藏于家

吳臣字熙載順德人幼穎悟一覽不忘九歲能屬文弱冠舉進士補建昌推官建昌號繁劇難治虞臣素習爰書嫻于吏事又以文章潤飾之日召善書史數人於前口占其所謝故人書手授其所為文若干吏膳之暇則讀書至夜分乃就寢故虞臣居官文日益進而治日益有聲各推官皆自遜以為不及三載徵拜刑部主事改吏部與李開任瀚輩以文章氣

相高而虞臣

腸疾惡面斥人短以故多忌之

者開先曰熙載且見中於法矣會宛平人劉東山僞上變告張延齡姦連虞臣以正逮詣詔獄虞臣從獄中上書曰臣昔為刑部提軍囚劉東山私脫桎梏越監戲賭笞之所以示戒懲也後調吏部主事幾一年東山近挾奏延齡誣臣聽屬笞彼臣常責治各監之奸禁者誰為屬耶陛下不肯翫天下正法赦延齡誠古帝王誅不避親之義也有司質確其過寘諸叢棘之下身註幽獄舉目堪悲是若墜不刊

淵而踐必死之地當一時提軍官一丁以法苦之萬一防衛不謹且獄欲生得延齡

付有司正刀鋸而不可必為臣等首咎臣等之罪又安逃乎况延齡禁久業非臣始夫庫房亦獄

申小房耳自臣提軍廿之廿小房已踰一年獨以坐臣豈不錯哉又誣臣與死囚陳邦憲去刑具請至提軍

廳高坐飲酒其賤名器辱清議甚矣小人造飾欺慢激怒聖朝加誣及臣以報前怨遂令臣限身幽圜

笞格辱身非木石獄吏相伍弔影酸心誰復為憐法官或不廉臣無驗之罪竟按空文不與蠲除臣恐薄

惡相煽慢由京師其為虧損政體不小也昔絳侯受繫抵首獄吏史遷下室嘆辱笞筆縲紲之耻古今所

同臣被逮何惜但念結髮從仕通籍薦紳乃為小人所誣尚復麻面目對人不亦羞當世奇節之士乎且

人情頓挫而節義之行損官師蒙辱而朝廷之威藝奸慝不懲而法令之格廢詆欺無限而是非之真

淆皆往昔之殷鑒非朝所宜有也通政鄭紳覽書棄去不奏獄成下府大夫王廷相審虞臣故

縱重囚黨結元惡杖

職為民虞臣既歸就中

山結草堂墳索置前同

以後揔括百家馳騁千載

嘗言虛生不如管名美古不如自立其志如此兩廣

都御史蔡經薦于朝未用卒年三十五所著有原子

八卷行于世葉春及稱其所為文上追兩漢下揖六

朝方駕作者其於禮樂援據古今擬議尤確前後上

其師霍文敏書最壯偉不減子長與任安書云

梁有譽字公實順德人父世驃御史有譽秀穎日誦

數千言長益湛思百氏以嘉靖庚戌進士授刑部主

事是時諸郎李攀龍徐中行王世貞宗臣舍人八國

倫山人謝榛結社為聲詩有譽在社中業先成家稱

七才子時嚴嵩柄國其子世蕃欲親有譽有譽耻為

褻狎遂謝病歸卒年三十六著有比部集弟有貞綿

州守亦能詩

黎民表字惟敬從化人貫 子自少穎異九歲習舉

子業十三補邑庠生一

鄉薦屢上春官不第慨

然有隱羅浮之志以

仕始就銓授翰林孔目

轉吏部司務辦內閣

事及事乙丑擢南京戶部主



事浙江司監通

雲中行在天雄召還內閣

掌制勅侍經筵

宗實錄成晉郎中加四品

俸脩玉牒復脩

穆宗進河南布政司參議

仍掌制勅事萬曆己卯春乞致仕疏三上得允賦性

坦夷無城府雅好讀古書過目輒成誦上自墳典一

迄百家稗史罔不涉獵以故為文自成一家方弱冠

才名籍籍郡中甲午舉于鄉少師事香山黃佐佐雅

重之嘗居清泉山中開社日與弟民衷民懷友人吳

旦梁有譽歐大任倡和其間國朝自五先生以來

詩學復振海內名流如徵明王世貞兄弟李攀龍

徐中行宗臣吳國倫皆以意氣相友尤善於繪畫其

草篆隸咸諳其至徵明嘗語人曰隸書嗣吾後者惟

敬也耳恒八滄泊自甘家若貧素惟富於文墨嘗與

修廣東志從化志羅浮志所著瑤石山人稿北遊稿

論後語錄養生雜錄行于世其甥三水林承芳官

編脩亦以詞翰名人謂有舅氏風云

歐大任字埜字順德八博涉史籍與黎民表梁孜梁

柱臣相友善俱以詩名明經授江都訓導歷虞衡

即中當大任北遊時歷下瑯琊諸大夫主盟詞壇見  
大任爭推轂之日相倡和夕 孟起海內無不知有大  
任者後以老乞休卒年八十有虞部集行於世同時  
番禺李時行張大猷亦負才名並登進士時行由嘉  
興令擢車駕主事以明敏稱忤上官罷去年甫三十  
一歸築小雲林吟詠其中所爲古詩法顏謝歌行法  
李杜律絕取裁於沈宋王孟成超詣入品所著有駕  
部集雲巢子天求子諸書而大猷爲工部主事治徐  
州河有功後謫判外郡復疏漕河利病甚悉嘗謂文  
大成於司馬靡於班而壞於韓遂作文章委源三篇  
何鏗序而傳之終雲南督學僉事論者謂大任性恭  
謹少忤于世而時行任氣大猷使酒恢諧故卒不能  
致位通顯云

劉克正字懋一從化人生而穎悟隆慶丁卯舉于鄉  
辛未會試主司竒其文擬 天下後置第六時論惜  
之旣第進士改庶吉士尋授 奉命明討靖江王  
魏遺一無所受脩 兩朝實 成賜 五 會奔  
父喪南歸哀毀踰節起復抵維揚疾 州而

卒年僅三十七克正質敏才茂肆力詞賦為丁一美諸大綬輩所推重嘗作越裳白雉賦璀璨華麗世競傳之

論曰粵之有才蓋自東周之季矣鐸椒因高固發其微惜其言弗傳文獻無從徵焉漢晉以後代不乏賢董正盧度祿龍德而淵潛鄧宓黃豪式雉馴而起譽愚之經畧也以駿績損之裴翊也以宏猷宋室諸賢所樹立光明俊偉皆其所根抵於學者不淺也崔清獻嘗銘座右曰無以嗜欲殺身無以

貨財殺子孫無以政事殺民無以學 殺天下後

世嗟乎學之不可不慎也如是 明興英賢斌

繼起相業則梁儲霍力獻 猷則彭誼羅亨

伯龐尚鵬博雅則張度陳璉政 則周新張

亦清介則何淡李嗣詞則孫 佐黃哲李和

趙介皆五嶺之 豸英一代之頌也 右陳白力獻

章湛其泉 永 益有統宗大夫

下音鄉諺 天下後世而

吳權奸燠炙之時可

曾有一濡足其... 學術之... 清

獻言足為世鑑以矣

于後之達也

通志卷之二十六

廣東通志卷之二十六

郡縣志十三

廣州府

列女

夫女無再醮婦之鵠也當其潛德在陰閱儀奧闢  
目不知書而奉鵠惟謹常出于至性故廣州每表  
諸郡而兩輔邑曾不如外屬之詳毋亦以婦天不  
二自家戶之常而山谷孀嫠舍恨于九京者何可  
比數昔扁醫不如其兄之善也謂其不以醫名也

故表烈揚休以振頹俗意尤有獨至者焉金石可銷或不能自見鬼神可泣而與俗同入拘拘身後之名直贅疣耳吾悲其意而傳其概

宋戴氏南海熙安人名丹戎士陳南妻也美而早寡事舅姑恭篤守死不嫁後有求聘者籍軍主以命之知不得已乃自縊死宋元嘉十六年也廣州刺史陸徽爲立貞節坊

莫氏筌連州周渭妻時州隸長沙馬氏與南漢相持渭爲南漢所獲抑首仕之後脫身北走時不暇與筌訣二子孩幼筌家貧年二十餘父母欲嫁之筌泣曰渭非久困者今違難遠適必能自奮於是勤女紅以給朝夕二子皆畢婚後渭拜侍御史累遷廣東西路計度轉運使歸訪故里與妻契闊三十年復相見人皆異之朱昂著莫節婦紀其事

李氏增城何世忠妻閩寶初出粟餉軍封恭人比卒詔有司塋之賜之山田其後裔析居順德

劉氏二女南海人家西城之折桂坊母病一女剝肝一女割股奉母母瘡鄉閭感動經略使龔茂良上其

事詔特旌表其門今西城有雙闕遺跡

何氏東莞人鄉貢士何漢臣女也幼孤十歲喪母適李昌期事舅姑唯謹舅姑有疾割股煉糜以進疾尋愈鄉邑嘉異之昌期早世守節足不踰閭隣嫗罕覩其面宋咸淳十年邑令袁夢用為立孝婦坊景炎二年旌表門閭仍賜束帛元初重建孝節坊云

舒氏禹進士周景瑜妻生子一濂七十二日而景瑜逝族人利其有勒令更嫁舒氏堅守不為所動事聞經略安撫使雷宜中深嘉獎之一濂由漕貢歷禮部侍郎封舒氏汝南郡夫人

陳烈婦者東莞李願妻也事舅姑孝謹生子佳而孀守志教子末季少帝駐蹕岡州陳遣佳應勤王之詔臨別訣曰汝宜竭忠事主勿以我為念佳既行陳亦趨廣至黃木灣赴水死而佳不知及至厓山得潮郡教授還家拜母不見哀隕莫及乃築望至堂于烏沙之陽以寓終天無涯之悲聞者兩傷之

陳璉精衛詞東海有精衛

喻石填海死海枯石復爛此恨何時已天目山前王氣消北風月退錢塘潮厓山新稱行在所萬里兵塵漲九霄南海有烈婦能守陵母節淚血滿衣裾泣與兒訣別萬古綱常日月明爾當盡忠吾盡節黃木灣

頭風雨來扶胥海口浪如雷此時孤墳同精衛一墮  
滄溟竟不回滄溟之深有時竭烈婦之名應不滅

周氏南海平步人鄉貢士劉元妻也宋季為強賊所  
逼周給之曰當盛服以從賊以為然即投蘭石海以  
死後七日屍浮倚于石衣裾整然子孫遂於其地建  
祠以祀成化元年五代孫衡重飾之

元何氏東莞人適漕貢進士張一龍生一子秉陽甫  
晬而一龍卒至元庚辰有黃同知者至邑利其貲欲  
勢娶之何氏衰服携幼子行哭于市截髮務面誓死  
不辱罄其貲乃免秉陽尋殤育猶子寶大為嗣邑人

高之以其女弟復以孝節著因謂何氏多賢女云

譚氏者新會民譚仲悅女年十七未適人元至正二  
年從父母兄弟仝離避寇與一嫗匿林中為寇所掠  
及潭遂投賊去嫗備述其事越八日女父母得屍於  
潭中面目如生鄉人慕其貞烈因名其潭曰丫髻潭  
洪武庚戌祠于潭側祀之扁曰丫髻廟

趙氏者新會趙氏女也適冲金村陳以安至正壬辰  
寇亂夫婦俱逃避銅鼓村其夫死于寇趙氏匿林中  
群寇搜獲之美其色乃逼以歸趙以箭自刺死

何氏新會何村人贅同邑蕭積善為壻至正丁酉八月鄉賊陳有得殺積善意在何氏遣眾環其居必劫致之何氏度不免乃白父母酌賊眾于堂給伴者曰吾埋金釵井傍吾往取為飾伴者信之投井以死父母出其屍與夫合葬時嫁積善一載耳時人憐而傷之形于歌詠鄧彥良詩地老天荒亘古今桑田滄海幾浮沉千年井水無風浪猶是斯人守

義心鄧林詩連岡宿草暗雙墳今古空餘節婦村惟有轆轤牀上月夜深猶照井中冤

國朝萬氏南海人王受祖妻洪武初官軍討蘇友輕掠獲萬氏獻于南海衛指揮盧諸諸愛其才美欲納

之萬氏號泣投衣于火諸怒刃擬之萬氏唾罵不輟死于南門外聞者為之流涕

黎道娘番禺板橋人父瑛鎮卒第庶方在襁褓道娘矢不字母強之對曰母寡弟幼何忍言字元末寇掠邑里扶母挈弟奔山谷間紡績以濟母卒哀毀幾絕年八十四卒黎氏子孫世思其德建祠祀之

陳氏新會李宗長側室也宗長生男女四人而陳氏無出宗長夫婦既卒值元季亂陳乃收世系契券携子女傭於鄉人餬其口國初稍復業數十百租皆陳



廣東通志 卷之二十一 三  
掌之無所失其女請奩田笑曰汝先人無遺命妾敢  
自擅耶每宴集使婦主客客辭以太貶曰吾豈有坐  
次於堂上也其子與人博陳屢痛哭臨之博徒爲之  
動告其子曰與汝共博戲如汝母何子亦感悟病將  
死囑曰斂我布毋綺紈莫我庶下毋于正寢瘞我老  
孺人墓側毋高我封於我足矣嗚呼謹名分辨上下  
春秋之法也小人之所以侵君子妾婦之所以乘其  
夫夷狄之所以陵中國者冠履倒置上下之分亡也  
陳氏豈知書者哉可以勸世矣

蔡氏東莞蔡心元女生元大曆間幼聰慧誦女孝經  
知大義父母許聘朱陳氏子及親迎颶風覆舟歿女  
聞泣曰委禽有年矣今以昏死可更適耶吾父母兄  
弟淪亡一孤姪甫四月生當亂離將誰依遂與嫂梁  
撫孤至 國朝永樂庚寅卒年八十三其裔孫宗啓  
婦張氏亦以宗啓早世撫遺孤而訓之多貞孝譽卒  
年九十二當事旌曰百年完節化孝節之屬也  
陳氏東莞人教諭陳忠女適邑士人黎叟年二十二  
孀居恭執婦道以事舅姑鞠遺孤成立家賴不墜洪

武甲子年及五十九聞于 朝旌表復其家

盧氏東莞盧仁鄉女李禮寬妻男世華夫歿時年二

十六育孤守志克盡婦道人無間言年六十三卒洪

武十八年旌表

女官黃惟德南海人洪武二十年選入宮命為司寶

初名阿妹永樂初賜今名信任益隆宣德七年乞骸

南歸 皇太后命圖及為詩賜之皇明列聖御寰宇

重惟仁化本家邦內庭百職需賢良咨爾惟德女中

士自少從容知禮義一從應召入皇宮夙夜孜孜勤

乃事昔時黑髮今如霜歲月悠悠老將至九重 聖

主天地仁欲使萬物同陽春體茲德意賜歸去乃心

感激情忻忻嶺海迢迢十萬里潞河官棹春風裏賜

衣宮錦生光輝親戚相迎人恣喜喜爾富貴歸故鄉

我心念爾恒不忘綵筆題詩 其侄女即大學士梁儲

意難盡目極天南去鴈翔 母也亦累贈至一品夫人同時有葉女官者番禺人

少有淑質通列女傳洪武二十四年聞其孝敬選入

宮擢為女官因召其父碧山弟祖道詣 闕賜宴俱

授錦衣衛鎮撫賚以幣復其家又有王司綵者番禺

人永樂二年選入宮為女官時年少權妃方見幸特

推同輦之愛固辭曰臣妾嫠婦也安敢充下陳哉

上重之從其意司綵有文學能詩蓋宋昭容之流而

持操過之所作宮詞至今人猶傳誦以為類唐句云

王司絲宮詞璫花移入大明宮薜蘿濃香韻  
晚風羸得君王留步輦玉簫遼亮月明中

陳氏二妹字瑞貞番禺仲裕女也貌端莊在乳不啼

晬日設物以驗則左取印右取筆以是知其不凡甫

能言窺父書指教數字皆不忘至六七齡示以女工

過目輒曉就女師聞愛親敬長之言必反復致問孝

經內則列女傳戒諸書莫不潛心究之深居閨闈足

跡未嘗至中門洪武二十年詔選民間淑女入宮

分司六尚陳與焉入見使兼六尚事陳善六昔曉大

義精女工嬪嬙皆師事之人稱為女中君子二十四

年命為司綵賜歸省仍給祿養其家閨範嚴肅人罕

見其面有司候餽皆辭却之文皇即位以司綵熟

知典故召復原職年四十以病終于官遣中使護喪

歸葬

党氏者番禺張以民妻年二十九守節永樂元年旌

表其門

楊氏妙貞連州邵守琪妻也年十九守琪蚤世誓不

再適孝養舅姑皆以壽終撫其孤邵誠領永樂庚子

鄉荐有司以事聞旌之

蘇氏香山人指揮林興妻也正統己巳寇黃蕭養攻城四境奔潰援又不至時興統屬軍于外孤城危在旦夕蘇氏率軍婦衣盔甲乘城拒守身親矢石振威退虜城賴以完

鄧氏新會馬奇生妻奇生蚤死其姑哭泣曰吾早寡恃兒與婦兒死矣吾何以爲生而婦何以托也鄧曰婦即子敢言及他鄧侍姑孝謹姑甚安之正統己巳盜起鄧奉姑投城姑卒倉皇棺衾悉備晝夜號泣悲動鄉鄰賊平歸塋一不違禮聞者哀而賢之

何氏新會陳蒲妻也有賢行年二十四而滿歿一子亦死何每一悲哀一絕斷如是者餘年富民屢遣人議之姑憐其少而語之曰毋以我爲新婦累何泣曰我所以不即死者姑老無他子孫也此弗願聞朝夕勤麻枲爲飲食資日市魚乾奉姑炙餘骨以自饗而不肯少受於人雖宗戚子弟數十餘年不見其面者天雨墻壞家故貧不能募一何自運瓦礫砌之清操烈德著于時云

湯氏卯娘新會人父應壁陝西乾州判卯娘年二十  
爲鄉人馬時寧妻五越月而被擄賊徒將輿之以獻  
渠魁卯娘且泣且罵賊怒殺之時正統己巳也其後  
天順癸未冬又有龐婦李氏老聞流賊已迫遂自縊  
死弘治戊申九月聞之博羅何宇新曰八月賊臨增  
城博羅之界婦人被擄者十八人經二夕其家贖還  
竟無一死者又卯娘死時其間舍垢不死者不但千  
百人若卯娘者真烈婦也

與妻隱草野間軍逼其妻明祥之爲所殺虜潘去潘  
曰吾腰領中有寶飾解以相贖從未晚也即投江而  
死年二十四

蕭烈女景泰己巳討叛之後水軍籍一少女於香山  
小欖將犯之不可撻以兵刃諷以利害皆不可舟還  
次新會東亭驛將鬻之女曰願一死軍怒欲兵之曰  
聽賣乎無緩我刀女曰我豈汝賣者人亦豈能買我  
哉人曰贖汝命送汝還家也不聽引頸斂髮受刀觀  
者莫不泣下邑人李彥英謝齋祖爲買棺葬于邑西

象山成化辛丑知縣丁積訪遺事始知女蕭氏名烏

頭娘故民蕭思敬女命工脩其墓且割廢廟田六十

餘畝命人歲守祭祀黃佐憫烈辭嗟攬山兮嵯峨結

為兮罹于羅蕙幃兮椒楨繚之兮葯蘅淑女兮未纓

佩瑤琚兮象珥芳菲兮若英志皎鏡兮水雪氣凜

凜兮不可凌生不辰兮兵不戢於而囂兮倏而突操

吳鉤兮如雲抗虹旌兮蔽日恣何縛兮絲棼熊羆革

夕東亭兮轉鬻斂髮兮受刃誓死兮身不辱身不辱

兮首離甘荼毒兮如飴魂為虹兮冲天觀者淚兮如

縻山有木兮條肄持余心兮不移水策策兮風條條

儼金支兮翠旗○何派行詩西風吹血滅戎衣負骨

山頭忍淚時青塚月明啼杜宇綠楊烟淨轉黃鸝石

年俎豆嗟殊土千古綱常耀短望

盡岡州雲沒處墓前芳草正離

蘇氏新會之平康里張寅妻也景泰初賊首周二等

倚黃蕭養為亂圍其村盡殺寅家蘇有美色賊酋欲

妻之蘇罵賊赴水死

陳氏東莞彭誼次子怵妻也怵亡時年二十三遺腹

一子奉姑婦道甚謹同門林氏庠生彭純妻也年二

十七子方週歲孀居三十年志節愈勵有司扁其門

曰一門雙節

花節婦者王氏夫廣州衛舍人病死婦哀慟如不能

其日投井死張詡作節婦詞以表章之

張詡詩王氏婦傾城姝雄

既死雌無以為生夫既失我無以為家叶千尺之井  
清冷冷青天白日精衛鳴岳家小女負銀瓶與爾貞  
魂同芳馨人去天來今日定千秋名繫朱鳥  
影嗚呼犬羊羞踐行春官海波不瀾臘脂井

趙氏番禺陳恒慶妻年二十六而夫卒撫遺腹孤矢

志無二成化六年旌表其門

陳氏番禺鍾則補妻司綵陳女官從女也歸六載生  
一子而夫卒遂斷髮守節孝敬其姑嘗奉姑避盜別  
墅姑卒人謂不宜歸斂慟哭不聽自昇尸還人皆服  
其知禮成化十四年詔旌表之年踰八十卒

游宗裔妻彭氏年二十三蔡廷玉妻吳氏年二十五

彭景忠妻夏侯氏年二十五皆東莞人守節餘五十  
年左布政使彭韶妻奉旌表

南海邵祖德妻莫氏生子康惠未幾祖德死守節康  
惠既長娶梁氏生子智未幾康惠又卒梁氏與姑皆  
孀居終身無玷節鄉人稱之智後官御史梁氏以成  
化十年旌表

林氏新會陳琮妻獻章之母也年二十四孀居貞德  
孚聞成化十三年旌表其門

何氏順德李道妻年二十一生一子標月餘而道歿守節姑溫氏頻病何侍藥晝夜不離寢所每焚香祝天祈代溫病不起何罄簪珥營葬弘治五年旌表復其家

彭烈女番禺良家子而貧鬻爲人義子婦女資麗性修潔未伉儷其主欲私之不可稍強之即自剄死嗚呼余嘗讀史至辟陽侯事歎夫后妃之尊迺或愧焉以是知女之果賢也女父母聞其事于官知縣高瑤罪其主使治葬樹華表柱于墓焉萬曆中知縣馮

勸石旌之

鍾氏吳貫之妻南海鍾佛成女也十九而嫁未十月已孕貫之病革語曰予死不恨第二喪未舉汝年少異日尚儷他族縱得一孤又安能保况產業門戶耶鍾涕泣曰君平生好善天道必祐萬一有此妾安敢二心及卒鍾哀毀如禮營葬三喪旣而產一子昕惟勞績自贍內外無間言弘治二年二月旌表

蘇氏妙果新會人事姑有殊孝黃舅已死姑已更適又寡而來歸蘇曰果吾姑也言動避堂坐作避舍寢



處避床帷具甘旨問起居一如舅生前臨之錢帛皆歸之姑事必稟命十餘年姑以老病篤弗能動蘇侍側晝夜不倦日浣衽衣厠踰者至八九略無蹙容數月餘姑卒既葬蘇猶哀傷不已

梁氏者新會人母死育於諸母年十九而嫁為趙不疆妻二十有一歲而不疆死於非命父母謂之曰將擇勝家別為汝圖梁歸而哭於室舅姑怒曰服已從吉何以悲亂我也梁不能發聲絕斷半餉自是不歸寧五六年梁自少律身甚謹如老成人一女隸已適

人聞其行不修絕不與見童僕稍涉輕佻者皆遣去之常戒其子以務學力勤示以為父復讐意知縣丁積聞之時給胙以致激勸云

鍾氏新會人庠生陳雍妻也二十七歲生一子褀育未及髻而雍卒鍾哀毀垢面弗飭殯葬如禮二十餘年孀守始終惟一弘治十年旌表

廣州指揮程富妻  
鍾氏年未四十以  
吳廷舉亦  
同時旌表

蕭氏番禺李宗妻生子綱二歲而宗卒時年二十八或勸其別適抱孤號泣矢心不再天日惟以績紡為

事及綱長領鄉薦氏孀居三十餘年弘治八年旌表

嚴氏貞彥連州陳才惠妻年二十夫亡有遺腹子守

節不二年八十有一弘治戊午旌表

鄭氏番禺黃蓋妻歸四年而蓋卒年甫二十三遺腹

男也遂守從一之義不復歸寧以節聞于鄉間弘治

十年旌表

伍氏增城熊睿妻正德二年十二月為盜所擄時婦

年二十四繫逼之使行坐地大哭不動賊樓而辱之

且罵且斥賊脅以刃罵聲益疾強起不屈賊并其所

抱二歲女俱殺之聞者為之流涕

曹氏增城曹子英女正德丁丑女年十七賊劫其鄉

女投竹林賊從之曳女使出女捫竹盜威之女度不

免觸竹而死群盜鬻分之

邵女穉廉南海人未笄許嫁郡庠生潘濂既委禽矣

乃聞濂素病瘵父母悔女執不可私謂所親曰吾聞

市道尚不食言矧匹偶耶事遂已歲庚午濂領鄉薦

赴春官南歸卒于儀真訃至父母將別許女聞之哀

瘁家人以好言慰之後竟自經時年二十二

盧氏新會林宗婦宗召織工爲布工乘間挑盧盧變色斥焉復賄隣婦達意盧憤以語宗令白之宗畏工無賴不果白盧悒悒若無容於世者遂投江死

李氏者順德吳翹妻也年二十三而翹歿子鎮都甫越歲矢志自守奉舅姑甚謹姑老久病李母子旦夕不離側姑曰願而婦若孫若而母子庶報今日不然豈天道哉巡院督學遣官周卹以貞節表其閭

許氏新會李伯亨妻嘉靖壬午古兜盜發許被掠一子在抱盜逼以行許奮罵不屈賊怒先殺其子罵益疾遂殺之巡按御史聞而列其名於貞烈坊云

周氏順德何福餘妻年二十七生一子居二年福餘死守節不貳何積五喪周竭力殯之孀居四十年人無間言詔旌表之族孫應黼妻譚氏亦以節見旌

謝氏新會李伯謹妻年二十五而伯謹卒謝杜門不出能修婦道稱未亡人者六十餘年有司以聞旌表其門

簡氏新會簡二女也嫁爲唐明妻性端潔採麻郊外新民劉惟芳將逼姦之簡奮罵不從遂遇害事聞兵

備僉事李文鳳遣人致祭聞者哀之

于氏番禺儒士熊廷翽妻廷翽早喪臨終歎曰吾生無名死無聞沒無憾矣獨恨母老子幼妻少難于托耳于泣曰君何言及此結縢猶在及廷翽死率禮終喪母姑憐其少欲令再適于呼天痛哭曰食言不祥誓志終守事孤育幼深居親隣鮮見其面嘉靖辛亥旌表

蔡三娘者新寧梁家女也生而婉淑父母愛之年十六笄而未歸嘉靖元年從父避亂何村爲賊所掠蔡自危乃解衣私與同難鄰婦黃氏泣曰汝持此歸報我家收我骨吾矢死決矣賊以牛負之行蔡不從負者六且哭且罵賊乃縛至窰頭將污之蔡抗聲罵曰我良家女義豈受污狡賊何不速殺我遂以首觸石流血賊怒殺之僵尸數日面色如生後黃氏獲釋歸報其家收其尸葬之聞者莫不慟惜

劉氏陽山李聰妻聰卒劉年二十二子甫生三月堅守終身無瑕節嘉靖癸未知縣莊希纘上其事表其門曰貞節

游氏梁氏俱東莞歸德沙莆小家子也梁歸游之兄  
孀待年未配游許婚徐三未嫁嘉靖壬辰五月海寇  
許折桂掠茅洲俱被執不受辱罵賊死之越日游父  
觀保覓得二屍葬于石鼓墩鄉人題曰雙烈

何氏新會譚仲孚妻年二十二生子統而孀性孝謹  
舅死未葬竭力護其喪年踰七十無玷節有司屢旌  
之

湯氏新會學生魚文鑑妻年二十四而孀居母憐其  
無子且少爲受何姓聘湯氏聞之以死誓遂屏跡不  
至母家者數年母知其不可奪乃還何聘鄉人賢之  
嘉靖十一年旌表其門

梁小妹東莞蜆涌耕氓女也生而貞潔嘉靖壬辰賊  
許折桂掠其村小妹時年十七曳至船奮罵不受污  
投海死事平具聞于官表異之

顧氏增城陳雍妻雍卒遺妊四月生子崙顧年二十  
二母憫之欲改醮陳婦變色曰節義至重吾忍以一  
身踐二庭而孤兒父他人乎遂大慟仆地絕而復甦  
母乃止孀居苦節自勵正德間盜剽其鄉戒其黨曰

慎母驚犯節婦其格強暴如此嘉靖間知縣文章奏旌其門

盧氏增城人李夢妻早寡守志以終其身教育遺孤有立里人狀其節行上之知縣文章奏旌表其門  
陳氏增城人生員湯尚志妻生一子而寡有憐其少勸之再適陳撫其子曰吾許若父結髮舊矣而背之他日亦何顏見若父於地下也竟不二志苦節自勵知縣文章以聞旌表

陳氏南海丹桂人方闈妻也奉姑張氏孝敬得其歡心闈歿時年二十八生一子大經五歲撫孤哀毀盡禮勵志守節姑病篤籲天請代姑尋歿自脫簪珥殯葬嘉靖十五年知縣黃正色具奏旌表卒年七十有五

許氏番禺明經里劉質妻年二十四而質死兒甫三歲守節不二嘉靖初御史涂相表其門

周氏南海人從化學生蒙天祐妻天祐死氏年二十二遺腹生鑑父母欲而嫁之氏矢不再適事姑撫幼賣籍以葬其夫嘉靖十年事聞御史吳麟遣禮存問

十三年御史戴璟具奏旌表

張氏庶吉士番禺先尚文妻尚文南還途卒無子張年二十七無玷節嘉靖戊申 詔旌其門

陳氏番禺馮文俊妻年二十六而文俊卒子繼科甫四齡矢志不再偶繼科舉于鄉知建陽縣陳年六十有六嘉靖甲寅 詔旌其門

趙氏廣州右衛右所王穗妻穗早喪趙撫遺孤道廣守節不渝嘉靖末有司以聞 詔旌其門道廣以番禺諸生舉于鄉歷官太守

張氏順德宗達女新會庠生李夔妻也事姑有婦道丁未盜發破祿峒村掠其婦女張氏被執求一死盜憐其色嚴護至大陂逕欲犯之大罵不屈盜怒殺之里老以聞知縣王交請於督學蔡克廉表揚之

方住女新會民方載女也年二十未適人嘉靖二十七年爲流賊所擄出門即罵賊赴池死

彭氏南海葉珪妻也生男純而珪歿時年二十有三誓志守節事姑盡禮嘉靖二十八年旌表其門

雙節婦新會人一馮氏鄉民易鶴妻一劉氏鶴之弟

庠生易天準妻也兄弟同居嘉靖二十七年十月同  
爲流賊所擄馮有男劉有女幼在襁負私相語曰今  
當存者子女耳行至倉邊塘給賊曰吾弱質子女在  
負如道路何盍緩吾索俾釋子女賊從之二氏隨釋  
子女相挽赴水賊以短戈中馮胸立死水中劉抱馮  
屍俱沉而死事聞撫司褒表其門

譚氏三水人黃道夫妻嘉靖三十二年山賊流劫氏  
爲所掠渡江中流給賊渴甚乞縱飲賊遂釋之即併  
其所負子投水而死聞者咸義之

莫氏新會龍水都民李家婦也偕娣姒工女紅嘗語  
人曰我家近古兜爲賊衝貧不能避萬一變出叵測  
吾當不出門死矣聞者皆驚異及嘉靖己酉果爲流  
賊所擄遂以兩手堅抱門限罵賊賊怒以刀斫其齒  
舌而死事聞巡撫行府遣官祭之表其貞烈

王氏三女東莞人同產姊妹也嘉靖癸丑劇賊何亞  
八剽掠海南柵村姊妹三人遁處一室同被執其行  
二者年十八行三行四者遁少二歲皆執義不受辱  
曳至水次遽聯袂投水死聞者莫不哀之爲三貞詩



予焉

陳善娘新會陳興伯女也有盛色嘉靖甲寅正月海寇掠去女年十六誓不受辱賊劫以威因給賊曰緩當相從賊聽之遂歿于海後三日其父尋至石嘴海得其屍貌如生通判汪應奎嘉其節擇地以葬立祠祀之廣州知府謝彬遣祭旌曰貞烈

凌氏南海凌聰女也年十八適梁希賢踰年生子珩踰月而夫亡時凌十九舅姑憫之諷再適凌矢節不二奉舅姑逾孝舅姑逝凌捐簪珥以完殮珩長為順

德掾遺孫源八歲凌垂白撫鞠之部使者以聞旌表

卒年九十五

陸氏南海曾觀祐妻年二十一而寡遺孤子表甫一歲嘉靖間表其門

尹氏增城仲美女歸于姚肇畬進士珩之孫也一載夫患痘疹尹憂形于色遂輟粒食者數日朝夕不離側夫危篤呼其兄嫂託以孤女命尹曰汝年少不宜守尹垂泣自誓先死以從頃之夫病已亟尹大慟數聲密持其孤付謹厚女僕以衣一襲酬之囑曰善視吾女幽冥當相報遂自經于寢所次日夫亦逝鄉里聞之有流涕者知縣盛賚汝表其家

濮氏者年二十三嫁爲東莞張道南妻生子良心甫  
卒而夫亡婦時年二十七矣子多病所親或勸改適  
婦泣曰本爲守志非爲守子向使無子志可易耶竟  
不能奪姑林氏病時疫癘大作人多畏避婦侍藥惟  
謹姑亡婦獨無恙人以爲孝感所致

袁氏東莞何操妻生一子週歲而操卒時年二十有  
六以死自誓及葬臨穴哭泣請虛左穴示無異志有  
司爲書節義扁其堂卒年八十有四

徐亞長者東莞徐添男女添男育於徐爲義子生亞  
長四歲而父死母以亞長還其主去而別適亞長十  
餘歲凡井臼之事皆力爲之恬靜寡言笑居賤不免  
出入常有凜然難犯之色年十六猶未許婚養子進  
旺欲私之而不可得一日亞長以主命糶穢于北洲  
之荳田進旺跡而強之亞長力拒獲免因哭曰聞郎  
君讀書有寡婦手爲人所牽輒自引斧斷手吾今女  
也而身被摸索若此何以生爲遂投北洲江而死  
熊氏淑英連州鄧惟明妻嘉靖辛酉冬流賊寇州熊  
隨姑及妯娌同舟避賊姑與妯娌皆就執熊耻被拘

抱孩女赴水死聞者哀而壯之

黎氏從化歐陽勗妻也少柔惠有志操嘉靖癸亥李亞元賊境內氏携幼子走避至祠前爲賊所執給賊曰吾從若請免吾子即囑其子奔告而父我不歸矣目其子遠去乃出懷中釧金與賊請贖命賊驅之急厲聲詬賊賊大怒刃之死禍下有司旌之復其家後香山甘氏與夫何慎儀被賊掠赴水死之亦見旌黎氏淑貞連州人適鄧曰惠數月夫遘疾卒年甫十七矢不再適人諷之曰汝年少且無子何自苦如是

黎遂謀諸族人爲夫立嗣守之終身萬曆六年郡守張聯奎以聞于當塗表其門

李氏新寧伍聖表妻年二十四而聖表早世生一子氏堅自守父欲令再醮氏剪髮自誓孀居四十餘年不變萬曆十二年旌表

劉氏香山民李孟義妻氏年二十四夫亡不再適年踰六十始終一節萬曆乙酉旌表

譚氏南海士人方存業妻生子觀光三月而存業亡悲號欲死殉母姑憐而止之且諷改醮氏垂涕曰吾

久不樂生特念姑與兒耳毋姑無敢復言及子七歲  
有諷之再適者譚感激中夜自經萬曆己丑旌表  
周氏南海周汝成女受聘區以禮亡何以禮卒氏聞  
訃成服矢志守義有擢第歸者聞其賢求婚馬父兄  
勸諭終不改志萬曆己丑御史蔡夢說奏旌之

盧氏南海民關元道妻適元道三載生子本雍歲餘  
夫亡年二十二撫孤守節足不踰閨事舅姑以孝敬  
聞時值凶荒令本雍捐穀賑恤縣以尚義旌之年踰  
七十無瑕玷萬曆己丑御史蔡夢說以聞表其閭

黃氏番禺蕭宸妻夫早喪而寡矢志守節以縫織自  
贍然終其身未嘗與男子相授受萬曆中有司給沒  
官房屋二座與主事馬拯妻陳氏同居詔並旌之  
林氏番禺岑甲妻岑爲富民佃富民見林悅之賂其  
夫以語林林咲不答復賂其舅姑將脅之林度不免  
拒戶自經夫慚悔無及論者謂此事至微賤亦足以  
見廉耻之存於匹婦矣

何氏者番禺李德崇妻歸崇十有六月而崇故男洪  
業甫三月崇死日何絕而復蘇殮畢伏地水漿不入

口祖翁教諭韶泣語之曰遺孤尚存吾年踰八十安所恃以養乎汝死亦何以見夫于地下徐感悟乃強起事翁姑甚孝謹萬曆壬午御史梅淳以聞詔旌之何氏香山楊世詵妻年二十三夫寃死家難氏艱危矢節不渝縣令聞于當塗旌曰艱貞勁節

郭氏者番禺鍾文賁妻生子懋顏文賁早卒郭年十九矢志不二孝敬翁姑閭里嘆服孀居三十四年而卒郡邑以聞督學使者表其門曰旌節

曾氏者番禺歐陽萊妻萊二載生子裡朞月而萊卒守節不渝四紀如一日萬曆庚辰 詔旌其門

趙氏番禺葉喬妻年十九適喬生子挺雲一歲而喬卒趙甘貧守節孝於其姑萬曆丁亥旌其門

李氏南海士人梁棟妻年二十六歲而棟客死江西萍鄉時子在襁褓貧無生產朝夕奉姑育子足不出戶四十餘年節操凜如冰蘖萬曆二十年旌表

霍氏增城湛涑之妻年二十七孀居守潔無玷嚴于訓子郡中縉紳咸賦詠以美之卒年七十二

蔡氏東莞士人張鄞妻年十七歸張幽閑貞靜居二

年鄞早世憊慟哀傷欲絕姑知有遺腹勸忍死存孤後生一子厚積日夜涕泣哺之其翁張鵬以清白吏歸老憐婦屢以貧故諷氏再適蔡曰婦無二天矧吾翁素有廉名忍失節貽之羞竟矢死不移及翁姑歿盡鬻簪珥充殯費居常惟紡績自給鄉閭高之行年七十有三萬曆二十六年旌表

文氏玉貞連山民石鎮紀妻年二十一夫亡遺孤食貧守節萬曆己亥知縣林裕陽上其事副使章邦翰旌其門

羅氏香貞連州學生文景妻年二十一而景早世矢志訓子事姑終身不復歸寧里婦少有見其面者年踰七十知州李教聞于當塗旌其門

論曰班氏作七誠以訓女流詳哉其言之而節烈不著于篇豈非以烈者丈夫之偉行女惟順守其一臨難而節每見非方矩素定也海濱隅阻女乏姆承以中閭爲師而氣有偏至信其獨往化貞烈之屬也宋以前吾靡得而紀云採令甲之旌揚暨閭閻笄禕炳人耳目者論次其幽躅焉嗟乎旌揚

懿典也輒有力者居前故桃李不言下自成蹊而  
谷蘭澗菫與百草共盡猶有赴水火蹈白刃義不  
返顧秋霜烈日不足以喻其操當其時名與身孰  
親耶業晞髮陽阿而酌沆瀣豈復念彼濁流汗牛  
之口耶故嘉靖甲子之叛兵隆慶戊辰之曾寇衝  
城輶境血碧珠濤鳧翔蕉荔所爲口舌嬰賊之鋒  
沉沙踐焰不可縷數至今譚之令人酸鼻掩耳而  
不忍聞乃名與骨俱朽矣他尚何言哉余故低回  
節烈至於孝女義姑賢女官皆列於淑媛雖賤出  
僕隸側室小家子之流猶掇拾書之亦以弔古  
幽今昔同致也

廣通志卷之三十六  
三

廣通志

卷之三十六

三

三





